



10231

後冒開使用或逼徵私債舊逋或把持買賣交關等項
般刁難不可枚舉致使鄉民不敢入城城甚至鄉需
索迫民逃竄除以前姑不查究今後敢有仍前縱惡
不改過自新者或被人告發定行照例問罪決不輕
貸

行各屬預處腹裏地方告示

古者選將練兵不拘名籍廣開條格不拘一科或以
智或以力或以騎或以射或以徒步或以口才或以
推占或以技巧某可爲今日之兵某可爲他日之將
隨才器使皆可委任各該軍民雜流人等凡有前項

方山集卷五

三

一長者悉聽赴本道及各府衛州縣衙門報名以憑
揀選呈報施行

行延安府審編均徭案

照得邊方之政以防虜爲先防虜之要以撫民爲本
民心涣散將誰與守本道巡歷延慶二府唯延安所
屬州縣之民逃亡將半其有存者動輒扶老移幼告
稱差役不平雖民俗或有未淳吾輩不當逆詐本道
以撫民備兵爲職寔切負愧所願賢守令協恭和衷
共恤民隱爲此案仰本府官吏卽行所屬州縣查照

例嚴督所屬州縣掌印官責限里書各將本甲人

戶攢造花名手冊開報丁糧實數其逃亡老弱疾病
應該恤免者亦令明白開寫從公面審查照歲額差
使於該年均徭人戶丁糧有力之家儘數止編本等
差役不許分外加增餘剩銀兩貧難下戶并逃亡老
幼殘疾者聽其空閒勿得一槩編派亦不許額外濫
設聽差等項各色所謂寬一分則民受一分之賜也
如此則斯民庶幾有生全之望爭則爲比閭族黨
之民有事則爲伍兩軍師之衆虜雖卒至而衆心旣
圍各保室廬將自有防禦之術矣本道迂腐不諳治
體亦不敢徒事虛文以美觀聽一得之愚唯望相信
毋忽

行延安府清查刑獄案

照得按屬軍民率參罔法律訟或嚇騙財物而誣告
平人或小事忿爭而牽連人衆奸詐百出難以枚舉
及至拘提到官又不即與閭結以致無辜久禁妨廢
生業况今時值炎熱易致疾疫本道按臨清澗縣查
得監禁數多已行省發除官吏另行外合行屬二體
清查爲此案仰本府當該官吏照案事理即行所屬
州縣衛所各將見監一應罪犯逐起清查除重犯外
其餘充軍徒犯作速追處完贓如贓銀不及十兩監

追年久委保貧無措者照例申呈饒免贓銀各依
原擬發遣發配勘問者即便問結其犯該管杖者
即時發落釋放不許一槩淹禁仍令各將奉到案驗
日期并審放過起數姓名各徑申呈本道以憑施行

行按屬安民告示

說與你百姓們知會即今歲時荒歉你各處百姓窮
的沒有過活只圖升斗粟米幾件舊衣服却就打夥
做賊一拿到官只得依法問罪多死牢獄着甚來由
我爲你計較自有一條活路今奉延綏巡撫都御史
王案驗內開安邊鎮義子戶所一帶空肥田地數多

玉山集卷五

五

有願投軍者每名給地一頃永不起科做你常業編
發附近操守我又恐你妻小隨帶一時無處下落又
申呈你王爺許先給口糧蓋造房安插你若肯自
出投首便是積主歇案亦都饒你罪名不拘各省各
府州縣人就與你文書解送你去既有田種又有屋
住目下且先得口糧你一家老小都得完全却不是
好投軍之後若有功勞又得陞賞你們可早早思量
上緊自行投首幹此營生你若再不省悞却是自尋
死路縱有愛民的官府亦無奈你何了我前日已有
告示你們又不曉得文理故又特此示知

行延安府賑濟牌

照得該民嗷嗷本道已行令各屬
慶陽遵行開報外今本道經過延安
各路哀告咸稱官吏留難延安倉庫
遲滯除該吏另行外爲此牌仰延安
濟毋致釀成他變牌具不違依准繳
議旱災呈

照延慶二府旱災不獨據各呈報

札見山田枯槁窮民情狀更有不忍言者

合無候詳允示行令該府通行各該州

方山集卷五

六

防秋事宜外各將不急事務暫緩徵科

怠撫恤一面委官分投踏勘災傷并應

數造冊呈報以安民心

議撫按送發延安府地方災傷呈

照得勸借一節已該布政司議得問里

糧亦少先年勸借至逼傷人命似

見既經該司議呈本院詳允無容

呈將府屬被災鄜綏二州膏施等八

預備倉并官庫見在銀穀應賑丁口

事宜文冊到道看得冊內所開饑民止

宜川等九州縣尚未查勘

心甫告誠恐預備倉糧

明悉有碍施行切思救賑災傷道

實惠查筭丁糧湏核有的數斯臨時

文取具一面行查各州縣饑民等

親詣該府各州縣呼相應俾賑錢糧

伏乞本院批委本官務要用心盡法庶錢

而賑濟無悞矣

歲久缺俸廩懇乞急救以全生命呈

備倉糧所以賑荒師生俸廩所以勸士各者

有集卷五十一

七

相移易該府欲將倉穀止給教官一月其甚

行從緩不為無見但據常而言士民固有公

限通變而處饑荒皆宜賑恤該學設在邊方十分艱

苦教官帶有家口經年缺俸稱貸度日告急之情誠

不得已若止給一月則償通猶且不足其實無以聊

生及據鄜州中部宜君洛川等學師生亦往往赴道

哀告均為可憫合無將該府州縣預備倉穀依擬該

府折筭每俸米一石折給穀一石五斗將教官缺俸

月分儘數補給其缺廩生員查係貧難者亦量處濟

急待徵完學糧照數除還預備倉內賑荒

復撫按送發延安府急請兵馬設處火器議
爲照軍機重務而當事者惟恐違悞以速法入出不
同而多欲者動輒假借以濟私故防秋二字名號甚
大一有建議莫敢可否其諸胥史聽委人員則又往
往乘之以恐動上下激論危言大率罔利法愈立而
弊愈滋財日匱而民日困未及衛民先已擾民故小
民有情愿被虜不願防秋之謠良由當官者不能以
省事爲本也若使虜人一至果與交鋒斃殺則雖歲
捐萬金以置軍器固不當惜但今 堡山寨止以收
餉爲尚况保甲鄉夫人等本冬 軍器比之工部

置造給與邊兵者例原不同且又兵部咨文明開居
民火器鎗刀令其自置則衆輕易舉不但惜財寔亦
物各有主易爲管理也若使民心堅固則雖斬木揭
竿執鋤制亦可以捷利兵 古今明驗誠非迂

欲置造軍器亦是慎重防秋深慮但州
元因年荒議賑猶恐不敷寔難支動里
不當又行派處本道查該府

靖二十九年至三十三年共銀一

十七月至八月又領過銀二萬

國外科法重輕亦微有一

既多支放之 羨餘積出難說盡無及該府州縣自理以罰亦未必盡行呈報合無聽其支取置造一半但軍器給散民間頗難收拾而棄毀之律罪至坐斬將來官吏人品不齊假此查理挾嚇適貽小民無窮之害似應行令該府將置造件數自行收貯遇民有缺乏願領用者聽其臨時給散事畢則還縱有停留罪亦稍減庶爲民便

行延安府預處防秋兵馬糧餉案

照得來年防秋兵馬合用糧餉已經案行延安府查照舊規酌量地方衝僻預發官銀趁時糴買去後但

方山集卷五

九

該府自嘉靖三十九年至本年領過官銀數多似應必有存剩本道奉延綏撫院案驗行查節催不報且又廢棄舊規自嘉靖三十三年以後分發防秋銀兩目及防秋單日支剩數目並不呈報即今該府各什剩原發銀兩若干糧草若干未委穀否來年支用合再查明爲此牌仰本府當該官吏行掌印張知州查照先今節次牌案事理即將嘉靖二十九年至今年支用存剩防秋銀兩總撤數目作急造冊開報六穀否來年防秋支用銀兩逐一明白聲說以憑轉

預處施行此

邊防法例重大務要感飭

奉行該吏人等各深思猛省勿得仍前含糊不遵舊
規致於本道無一字呈報及再帖發各屬紛紛申擾
希圖延捱歲月遮掩前非致悞大事牌先具不違
繳

給發招撫流民執照

據某府某縣民某人告稱先年因貧在逃今蒙招
撫復業等因告投到道合行給帖付本管執照回籍
復業仰各該府州縣官將本管舊欠糧差悉從停緩
一應私債俱暫與饒免不許追徵如有里書人等及
勢豪債主指以前項逼擾者就執帖赴該管衙門稟

本道卷五

下

告提問招詳如本管官故縱容隱許赴本道陳告倘
有奸猾得過軍民捏作逃移復差希圖冒免差徭者
該管衙門審出亦卽問扭以追此帖粘繳以憑重究
復撫按賑饑行

案

切照賑饑無奇策征科無善政自古已然卽今被災
州縣官員大率緩於議賑急於征科其間固有以軍
儲爲虞恐貽將來之責亦不無以常例注念希遂錐
刃之私但征糧一動則差人勞午敲戶誼罵饑民
疑無望賑恤相率逃亡縱論不止合無以停時日姑
候奏請荒本至日立限催徵或先定分數不得一

槩追併庶幾窮困安心可免他變再照小民所苦者里甲則州縣日取供應驛傳則公差多索折乾徭役不論丁之多寡率賣富而差貧賦稅不計田之肥瘠慣以荒而作熟監倉舖舍多繫無罪之平人門皂走卒常用積年之民害應捕諸役往往縱真盜而誣指良民義省等官在在假虛聲而嚇詐小戶凡此虐害甚於災傷雖曾經禁諭而有司奉行不一仍乞申明着實遵行毋徒以虛文搪塞則驅民之害便是因民之利雖未家給穀粟而民自有更生之望其於荒政不爲無補矣

復總制巡撫二院游兵錢糧議

照得延安夾於大山長谷間不但虜衝寔爲盜藪故洪武二年一設府治即置衛所固禦外虜亦防內盜成法所在本不當變動正德九年洛川妖賊李五爲亂特設兵備副使一員住劄鄜州議調西安潼關官軍防守其行伍各稱則仍隸該衛近年延安新設遊兵一營因兵數不足將鄜州下班官軍同該營防秋一時權宜似無不可但將延安衛軍五百二十名選入該營其本色屯糧雖仍在該衛關支而增加折色則在京運游兵營內放給不惟名稱混淆將紊亂足

籍而錢糧交互寔以啓後來影射之弊合無將游兵營錢糧止給營軍其延安衛軍五百二十名仍隸該衛若用以防邊就在防秋錢糧數內照依客兵行糧支給待後營軍收補足數則營自爲營衛自爲衛則成法旣不變動而錢糧亦易稽查冗食不無少省而奸欺之弊可杜矣

批延安府急請兵馬設處火器呈

該府原編防秋并額設民壯各有數目并節年各屬置造軍器就不如法亦不應漫無稽考仰作速查明逐一開具呈報以憑酌量施行勿得一槩混呈設處以致滋擾貧民此最掌印官所當留意者也

名錄卷五

五

叅巡捕指揮徐銳呈

奉巡撫唐批據延安衛巡捕指揮使徐銳呈稱拿賊苦勞前病舉發呈乞更替等因通呈照詳奉批仰分巡河西道查報又奉延綏巡撫王批仰分巡河西道查報又蒙巡按浦批分巡河西道查報蒙此卷查先據延安府招呈強犯董時貴打劫甘泉縣劉萬教家財比劉萬教具告徐銳處徐銳不行呈報上司妄拿平人楊景雲高錫發鎮撫司監候楊景雲病故將尚

錫徑自釋放又縱董時貴妄攀楊倉李有劉義秦朝

遠之策合行回覆

行各屬防秋告示

示諭各城堡驛遞市鎮村集等處承委收斂員役人
務謹慎小心聽候傳報無致悞事不許以防秋
爲名設計造端乘機科索小民粟物酒食其窳寨可
守去處亦遵照原頒條約聽民自便不得刁難抑勒
敢有犯者重治不貸

行延安府查理發過防秋糧銀牌

卷查嘉靖三十二年以前延安府收貯防秋糧銀開
呈本道定發各州縣糴買糧草支用其三十三年以

方山集卷五

七

來該府徑自處發未見呈請彼此不相照應致難稽
考此係邊儲錢糧數目既多關係亦大理合行查爲
此牌仰本府當該官吏照牌事理卽將該府故違該
吏問伊前項錢糧既經本道呈請發府因何支放畧
不經由擬以應得罪名薄示懲創以謹將來似不爲
過若近年新例該與本道無干亦要明白呈請施行
毋得違悞不便

行推官胡溥恤災緩徵牌

照得地方災荒小民窮困已奉撫按衙門議賑其應
徵應免糧草已經察行延安府查照遵行去後今訪

查夫

防秋期近

查明之日緩不及

呈內由理轉詳總核門延綏撫院候批示

其清一節關係不小宜上緊查照原行刻

批延安府乞將馬景隆等告詞分發各

究呈

據審招呈漫無着落馬景隆告詞撫院原批

李述儒妄申情節前道亦行府併究經今

分發各衙門則淹累小民牽連州縣終難

承行吏劉仁推奸也况呈內事情亦無七

供明犯人馬氏省發外該府查吊原行

右山集卷辛

十一

憑叅詳施行

批延安府呈犯人薛遇遲

詳遇遲薛彥叙所犯俱依擬但原蒙前察院有行

候轉詳另示外仰府仍查本道原行案

一起糧犯尚多如何朦朧仰作速逐一

後雖各人另招其呈文前後亦湏明開如云除

未到另行外庶便稽查

批延安府偷盜軍器呈

據原盜盛二項未獲本道批行該管官名下

正欲嚴典守之責以警怠忽若又未追遽呈

遂致湮沒何以示懲仰府卽查該管官追陪况如
焉僧保俱係軍人乃食糧差操人數必有行伍可
何得遽稱逃亡亦須併究下落

批延安府給由吏姜時會申

姜時會役內既經管錢糧未據開報數目明白難稱
無礙仰府再查呈奪今後起送吏役凡完過事件錢
糧等項不必本道發票駁查各就明白開款同由結
粘連呈詳查考庶省煩文往復

復延綏西路議建邊方學校關

爲照文德誕敷有苗來格泮宮旣作淮夷獻之
曰昔

方集卷五

學校之興寔寓之道好茲關

李泰伯有言曰考

都關中夫

一呼而武夫健卒

田學校

均慶人

利而不見義也漢光武

戎行茲

學術雖

世羣雄相視聞命釋兵者由教導之結

也

今之時或有不同而人心之理則寔如

今榆林

自黃甫川歷定邊營千五百里有奇城堡

止建榆林神木二學教養之法誠爲踈闊

襟喉將卒觀法之地所據於靖邊營添設

學校以便生儒講習一節誠脩文振武之

得推官胡溥在於府屬州縣催徵糧草拘鎖官吏家屬嚴刑併徵如此凶年民何以堪爲此牌仰本官照牌事理卽將應徵起運糧草限定日期次第勸諭催徵聽民陸續上納毋得一時嚴併逼民逃竄反致錢糧不完凡事須當慎重酌量毋得任情取究

行各府賑濟饑荒酌處城堡案

近因地震本道巡歷親閱城堡多有坍塌本月二十六日又蒙延綏巡撫王火牌准山西大同趙總兵傳報河東大虜要過河西地方搶掠萬一深入城堡俱塌何以防患本道實切憂惶爲此案仰本府當該官

吏照案事理速卽一面徑申城堡道知會一面卽行所屬州縣衛所掌印官各上緊修築其合用錢糧酌量議處通詳因思古人每遇凶年輒發帑藏以興工役旣得以濟民饑又得以了公事其良法美意正今日所當倣而行之願良司牧長貳各悉心經理以救目前之急以貽永久之安仍戒諭丁寧各屬務圖共濟艱難無興異念庶幾所謂應天以實不以文動民以行不以言也不然則卽此案驗亦爲虛文何益於事本道觸目激中布此誠憫宜體亮之

行延安府郝同知清查倉糧案

照得鄜州饑民人等稟稱該州德政坊老人王彥章欺篋官民以致放賑不公除本道審將本犯量責發倉監候案行延安府同知郝廷璽親詣鄜州從公審賑外及本道親自臨倉眼同本官看驗糧斛委係私造四斗小斛雖當將斗級孔仕仁責追官斛放賑但該州在官人役久弊得志公然玩法肆無忌憚合行查究爲此案仰郝同知作急將賑過饑民穀數冊記明白其存剩倉穀逐一將官斛盤量數目取具實收通行造冊呈報如有侵欺即將經管員役并王彥章查照律例問擬招詳毋得枉縱

行延安府郝同知查理月夫案

本道近自榆林歸鄜州窮民數千餘人攔馬告訴哭聲震野咸稱該州歲派月夫一千名內將一百名作爲甲首皂隸每名除工價外每名日該食費銀二分一年每一名該銀七兩二錢共一千名該銀七千二百兩俱係該州雷知州差陰陽生姜計善袁金唐仕義等押管收放民不堪命告乞裁減等因到道初甚驚疑及查據該州兵房吏尚大寵送到夫簿方知民言不誣爲照各州縣差役除奉均徭規則外一應差使俱合申奉上司明文方可編派就是南北直隸運

河驛路方州大縣使客運船晝夜不絕亦未聞有月夫至千名者邳州在陝西所屬止通榆林一鎮本省官員歲月往來可以數計就有軍輸公務歲月一二三次臨時顧情亦可應辦何乃編夫至多如此顯係吏役陰陽生人等欺官剝民恬不爲怪以致州民逃竄流離幾於十室九空卽遭荒年變且不測合行查理爲此案仰延安府同知郝廷璽親詣邳州行提該吏并管夫人役逐一查問從公議處明白有罪員役卽便依律議擬具招詳報以憑施行

行延安府郝同知審編均徭案

方山彙卷五十

十

查照發到均徭規則條欵審編去後節據該州人民告稱差徭不均見係歲荒民窮恐人心不堪致惹他虞合行改委官再審爲此案仰本官照案事理卽便親詣邳州吊取知州雷世榮審過冊簿并原發均徭規則從公拘集里老人戶另行查照徭役人丁審定數目酌量編派事完依式造冊繳報本道覆閱如果宜民羣情悅服本道定遵照原行呈請旌獎本官務要體悉另委至情毋避嫌怨

行郝同知查賑地方災傷案

照得邳州知州雷世榮不行審賑以致饑民成羣哀

告恐致意外之虞合行改委官審賑爲此案仰本官
照案事理卽便親詣鄜州速將饑民酌量倉庫見在
應動糧銀多寡從公審賑務使饑民均沾實惠事完
通將賑過饑民用過錢糧繳報查考以憑轉呈

行鄜州查洛川縣預處兵糧事牌

據洛川縣申稱知縣楊勗曾借過富民米豆草束到
道卷查先據延安府冊報嘉靖三十三年洛川縣借
過富民米二千七百石豆五千四百石共該米豆八
千一百石外草一十八萬束俱係收貯在官呈報之
數近據該縣民張科告委推官胡溥清查呈報該縣

私貯在衙民景信段六等家米五百三十石一斗莞
豆八百二十七石二斗七升黑豆三百一石六斗六
升共該米豆止一千六百五十九石八升外草止九
百六十五束查與該府先報之數多寡不同又且私
貯民家不收在倉合行查理爲此牌仰本官照牌事
理卽查洛川縣原借富民米豆草束若係兩項則先
報米豆八千一百石草一十八萬束今收貯何倉若
係一項因何止有米豆一千六百五十九石八升其
餘六千四百四十石九斗二升作何下落逐一備查
明白具由從實開申以憑轉呈施行

地方其所經行道路正宜聽從民便楊應之乃挾百
戶王守嚇詐將馮五重責以致磕撞身死既委知事
于莊檢驗明白如何朦朧發落卽今歲玩民困挑負
私鹽正該照例不禁以拯民生豈容楊應之等詐財
漫不之省乎梁慶陽乃本道所推信者此招亦覺姑
息仰無拘成案虛心逐一研審另招詳奪

行延安府并游兵營案

據游兵營報今秋沿邊山險陡絕去處俱遵依本道
原行鑿斷蹊徑覆草爲路虜人疑畏多不敢入可見
各坐堡官奉行料理不然則雖有淺謀鄙見亦何能

爲也除候呈詳軍門獎勵外但前項谿徑防邊軍馬
未免出入行走乘此燒荒之候合行區處以爲永久
之規爲此案仰延安府併游兵營通行延綏一帶自
黃甫川至定邊營各州縣官及各城堡把總等官悉
心經理凡遇邊牆山岡整臺險隘陡絕處所俱將徑
路鑿斷粧砌浮橋以通防邊軍馬行走待防秋之日
抽取木梁仍將枯木朽株搭蓋覆草爲路縱使虜人
覘知亦足以起其疑畏之心少殺其長驅之勢矣禦
虜之策固非一筭此亦甚爲緊要况邊地多高山峻
嶺此亦天設華夷之限豈宜視爲緩圖各州縣官各

營堡官務在刻期着實舉行本道已赴軍門面議一
應錢糧俱在防秋項下給發其修理處所動支過數
目各備細造冊開報抄案奉到日期併不違依准俱
各呈來

呈總制三邊右都御史賈

榆林賚本承差伍全自京回稱本道已被南京科道
論劾及按察司侯副使書至亦傳言本道被論信息
本道自揣菲薄歷任以來委係不能諳曉時事多拂
人情前項論劾誠非虛傳正通詳起程回籍間據延
安府通判郭錫見署洛川縣印賚銀一千二十七兩

到道稟稱前銀係該縣知縣楊某科斂罰取所得近
因緣事脫逃地方官兵巡邏不及取回今送本道以
備脚力盤費等因本道切思叨竊科第二十餘年備
員中外十有餘任無分毫補報以致入言方負愧赧
今徒步而歸用彰黜罰猶恐不足以勵庶官若受此
重貨不惟大累官箴抑恐重遭冥罰若不爲區處徑
發回該縣則此銀原未經由上司後日官更吏改不
免埋沒當即令通判郭錫同鄜州知州雷世榮判官
張子泉眼同稱數明白傾銷成錠入匣封鎖就差張
子泉同百戶王榮等起解本院以充軍餉除給批付

本官守候批廻外理合呈請照驗施行

方山全集卷五

三五



方山先生全集卷之五十

方山先生全集卷之五

公移五

南吏部
北禮部

行五城兵馬司牌

照得考察之典所當致慎謗毀之禁不可不嚴往年一遇考察之期當該辦事員役及隸卒人等假以訪察爲由通同各衙門人役或陰行誑騙或恣意報復苟快已私無所至卽今考察在邇本司深懲此弊務核實行罔事且人才可惜決不吹毛求疵而采訪有年並不臨信一切遠方之事中藉之言

原無可證悉置不理

眾口鑠金積毀銷骨自古難

方山全集卷之五

一

免今在所原天日照臨矢心從事但恐前項匪人仍踵舊弊生事造言訛傳惑聽理合禁革除稟堂外爲此牌仰五城兵馬司各檢弓兵二十名常川於各地方晝夜巡邏凡遇有毀謗書帖登時燒毀其有獲任投書粘帖之人卽拿送該司監候事畢之日叅送法司照例重處仍大書備云出給告示於人煙輳集去處張掛曉諭施行

吏部案呈

照得北告南吏楊方等七名俱係奸徒止因販賣金華酒入京賄通該部驗封司都吏常文祥假充辦滿

吏告送南部聽撥到司投遞門供中間叅充年月前後大小石數欠明被本司察出稟堂叅究取供送刑部覆審詐僞情由的確已將前項人犯各照例罰發抄招到司除稟堂附卷外其合問都吏常文祥係北部當該人役理合具由呈堂咨行該部施行仍乞嚴禁詐冒今後該部凡遇辦滿告南當該吏典仍照吏典給由事例發該部考功司嚴查吏冊在外兩考叅充衙門并先後年月一應緣事丁憂歇役等項務要分明取具該司印信手本同咨文賞送南部仍赴南考功司覆查明白方送驗封司聽撥當該庶杜前項詐僞之弊爲此具呈

行四川湖廣廣東廣西江西福建各巡按衙門

手本

照得舊例各省大小衙門吏典應役之初卽將年甲籍貫叅充年月衙門行頭上下手姓名及丁憂事故等項備細造冊預先送部至該吏役滿給由到部取出查對相同然後收役所以慎防其詐僞也但司府州縣有司衙門一應吏冊聽憑吏書攢造弊孔旋生吏部先年咨行都察院行各該巡按監察御史今後凡布政司解部吏冊必先送巡按衙門查勘無弊用

印鈐蓋然後送部其給由吏所給咨批亦必經由巡按衙門驗實掛號方給與執照赴部此其關防誠爲嚴密柰何行之既久此法漸弛近來各省解到吏冊多無巡按鈐印其所給咨批多係巡按出巡在外布政司因恐往復不便遂將花欄咨批呈送巡按衙門用印類發臨時填給以致近來吏典不無頂替詐僞之弊及至行查動逾年月官更更改支吾開銷弊端日起爲此除稟堂外合用手本前去各該巡按衙門查照施行

示諭給由吏

方山彙集卷五十一

三

凡給由吏到部查得兩考冊同期無事故者即與收撥其或冊有前考而無後考或有後考而無前考或上下手接役不明或役內錢糧不明或滿後歇役二年或緣事無抄招亦與暫撥或咨批無巡按號印或滿後歇役在二年十個月之外必聽查回銷至日方與撥辦其或前考滿後歇役三年應該重歷或後考滿後歇役三年應該查革者自有條例職掌決難容徇無得多方賣綠自取罪悔其查冊之時許本吏自赴冊房眼同查冊吏取出該省吏冊自行揭查比對若或有隱匿抽換以圖索詐者隨即回稟以憑究治

諭革退厨役夫告示 以下此禮部行

照得光祿太常厨役夫之設原有定數後來各項京游希圖月支米一石貨緣冒充因循年久遂致額外增添三千餘名計一年之間冒支月糧三萬餘石冗食費財亦非細事近禮科建議本部題奉欽依已行盡數查革柰有等狐鼠之徒稍因憑藉仍牽摺名缺冒告通狀到司多方纏繞深爲可惡除立案不行外如再仍前投託勢要結黨喧讓者定行指名治不恕

諭投文領文各項人員告示

方山集卷五十一

四

本司投文領文俱有限期並不稽遲近聞各該房科故意耽延需索以致守候人難深爲未便今後凡領勘合各司付到隨即發行其解納錢糧係本部者即與收貯係太常光祿者即發手本前去上納凡一應文移如有仍前耽延需索者許各該解事領文人役或赴司或在馬前不時回稟以憑查究施行

諭 皇城等門官軍告示

卽今虜寇深入乏人委用本職蒙本部劄付欽奉

聖諭着令直 皇城等門整點官軍晝夜防護本職

卽由 長安左右門至 承天 端門 左右掖等

門逐一整點官軍各衛官俱不賚花名手本難以稽
查照得本職雖係禮官既奉有 欽依劄付卽與汝
等相關 天顏只尺寇在門庭正臣子鞠躬盡瘁之
日也各衛官軍豈得安常襲故不加警惕乎除以往
不究外特茲曉諭各宿衛官軍如有別項差用者刻
期喚回齊集整搦盔甲器械晝夜巡邏仍各備花名
手本以憑不時點閱如違定行 奏聞處治

行光祿寺手本

照得夷情叵測固當周悉其防而久客思歸亦當俯
順其欲朶顏三衛進貢夷人已經本部具題筵宴隨
因各官商議恐虜人未退致生他變擬將另題改期
卽今三衛通事赴司告稱進貢日久天氣漸寒若再
延緩情苦難當本司稟堂仍依原定日期筵宴就設
於烏蠻驛了事以慰其情免伊出街行走庶爲兩便
合用手本前去光祿寺查照施行

行太醫院手本

照得該院收納藥材必由本部官監收者非但以錢
糧干係亦欲藥物之精也近來該院將各處解送藥
材其折色先已稱收似亦無害但本色亦多非道地
所產大率由該院吏書供應人役將舊所積剩藥材

作爲解來之物當官虛應故事恐日復一日將來
內府何以取用自今以後合戒飭吏書供應人役必
須預先慎擇庶可臨時應用除稟堂外合用手本前
去太醫院查照施行

方山全集卷五十一

六

方山先生全集卷五十一

方山先生全集卷之

公移六 慈谿縣行

申寢無故更作

照得本職自嘉靖十四年十二月二十八日到任據
本縣儒學生員翁紀及粟縣里耆民人等各連名
呈稱本縣布按二分司原建慈湖之北環山面水風
氣攸鍾唐宋歷今世宜風憲其陰陽醫學射圃舊設
本縣西南城隍廟下今本府推官馬署印驀欲折毀
二司移建陰陽醫學射圃基內又折醫學射圃移置
他所兩番變易費計百千怨聲滿塗聞者褫鬼事體

方山全集卷之五十一

一

匪輕關係誠重等情到縣及本職出行老幼恟惶群
遮道訴咸稱不便職雖初任觸目激中亦當申處據
呈吊查該卷一宗爲風雨損壞公廨乞爲修理事嘉
靖十四年十一月二十九日該掌縣事推官馬中驥
要將前項各司改移城隍廟側陰陽醫學射圃基內
重建關縣備申本院蒙批如擬仰馬推官措處脩蓋
嘉靖十五年正月十五日隨蒙本官臨縣公同本職
及粟縣生員糧里耆民人等前去拆毀間看得各
司廳堂俱係堅固雖被風雨吹損不過量添椽瓦修
蓋可以支持數年設若改移未免原物傷損縱使措

處出於罪犯緣邑僻在海隅小民無知一時犯法中
間有力者少無力者多終難補足及合用扛擡等項
人夫亦湏民力職雖迂腐未達時宜然執觀人情事
勢則前項工役誠不必興思昔召公賦政南國舍止
甘棠當時懷保咸和物力豐盛恩澤下究庶民子來
豈不能致美輪奐崇飾觀瞻原召公之意則以爲苟
安黎庶遑恤吾身故詩人爲之賦甘棠而千萬世之
下頌召公之德不衰况新作南門春秋致譏而韓昭
侯作高門屈宜曰有特屈舉羸之諫無非見勞民爲
重事也今日慈谿十室九空流離載道若興此役縱
委官得人而胥吏爲姦多科冒破斷亦不免宜從衆
照舊脩蓋爲此關縣轉達施行

申革縣官入山做茶

檢得本縣誌稱縣後諸山產茶今無一種其本縣茶
之入貢實由宋寶佑間丞相史嵩之在於縣西南六
十里岡山相治墓地隨建功德院請額名開壽普光
禪寺其山舊頗產茶同朝殿帥范文虎因置茶局進
貢推原其意不過欲開公家貢獻之途使私壟永無
荒蕪之患元及國初皆仍其舊至末樂聞知縣余
館建局在山之西南每年在清明前一日掌印官入

山監管做茶至穀雨日方回著令里甲每里出米壹斗
養貳觔又各納稻穀一十斤養米爲焙手飯食穀
給童子揀茶及有士民乘時饋送_禮物名爲探訪實
則假此以通私賄費固不貲弊亦日積墮奸雄既死
之遺謀爲今日無窮之患害前人因襲遂爲故事本
縣訪得紹興府會稽縣亦係有茶縣分隨差吏前往
查得該縣額辦茶牙二十斤著令會稽縣二十七二
一八等都里採辦送赴該縣監督揀選其路費於會
議冊內催取工房買辦科丁田內支銀一十兩給發
解茶吏收領解府起本給批於穀兩內就差本吏徑

自奏聞赴禮部轉送光祿寺交納今據前因深爲便
益及思本職原係直隸常州府武進縣人實與宜興
縣陽羨茶山隣界其所貢茶額斤數倍於本縣止是
清明日掌印官至茶所一祭即回亦未嘗在山監管
合令本縣照依會稽等縣事例著令該都里分採辦
茶芽送赴本縣監督揀選所用除黃絹竹篾茶山祭
品等項舊議處冊內原用銀二十二兩今減去一十
二兩止湏用銀十兩及焙手供給止湏用米六石就
於銀拾兩內取用其舊用養穀等項與一切浮費盡
行裁革但本縣每年所用茶芽額辦二百六十斤此

之會稽不啻十倍其所送貢茶該吏路費仍照會議冊內支給銀二十八兩恐亦過多合乞再行量省八兩其有官吏仍前受饋送土宜禮物及棍徒指此科擾小民者悉問擬如律則本縣幾百年之宿弊一旦釐革而上嚴貢獻之禮下立官吏之防士風不偷民財日省矣

申查預備際畱等倉糧以清宿弊

照得本縣久缺正官叢奸積弊玩法欺公凡百隱漏不可枚舉本職自嘉靖十四年十二月二十八日到任止憑主簿皮章將印交管外至次年正月十二日

方山倉卷五

四

蒙先曾署掌本縣印信本府推官馬中驥臨縣止將耳房庫銀兩數目交盤各立文簿合同執照將銀著令庫子孫灑看管外其預備際畱等倉俱未蒙交盤過割至二月十七日查盤前倉並無厥經文簿止攄糧房吏翁眷等預備倉斗級等開稱在倉稻穀壹拾貳石柒斗八升肆合公同查盤明白新置厥經一扇照數登記差接役斗級收執看管外其際留倉並無顆粒糧米在倉合關本縣煩爲追出厥經卷冊逐一查算庶免侵欺等因到縣隨攄糧房吏及舊斗級等執稱原無厥經文簿揆之於法實難准信連月追

併止取出預備倉嘉靖八九等年朽舊文簿內收放
數目俱無查考其十三四等年分厥經正係交代接
管該應清查任從嚴追不行取出即欲問擬侵欺緣
無數目可証若不預行申明又恐倉糧事體重大日
久貽累呈稟無及竊思得本縣衙門吏書庫役人等
俱婁頭奸猾無藉光棍盤據糾結彼出此入百方推
諛動制縣官數十年以來號稱難治前任知縣何世
祺鄧燿等俱彼平空挾制告訐何世祺改官去後仍
行提來事雖得白貽累萬千鄧燿誣罔雖亦得白顧
受治民毆辱鬱氣成疾以致殞命爲禍尤慘中外皆
知士人共憤似此奸頑得志愈無忌憚前項厥經若
不乘時追出算明將來不知何意擬合申乞或另委
官嚴查或委原署印官追究則不惟錢糧得清而本
縣官司亦免貽累矣

申改浮圖以崇正學

照得本縣有宋儒楊文元公學宗古聖道妙傳心著
書立言發微闡奧誠一代之名儒振古之豪傑也舊
有書院一所設公貌像後學觀瞻齊民景仰久爲嗣
孫居住族屬漸煩人品不一以致傾圮屢經有司修
葺多爲私家領價唯是費用雖殷傾圮如故近蒙巡

按御史張按臨本縣親詣公祠面委知縣薛動支本院駐罰修理重道崇儒勵世範俗此固觀風之盛事亦有司之首務也隨卷查嘉靖十二年九月內蒙分巡道僉事王紙牌爲葺頽廢以崇先哲事仰本縣官吏差委人員前去慈湖書院估計添修工料數目等因到縣比時本縣遵依行委典史蒞全帶同匠作人等估計工料銀二十二兩七錢三分於十三年八月扣存孤老柴布銀一十三兩七錢伍分發委義民周瑛買辦木植修理交與本院子孫楊濟等收訖十四年七月楊濟又當本縣領銀伍兩七錢三分取領狀

附卷先後共領銀一十九兩四錢八分若用以修葺書院則一年之間安得遽致傾圮柰爲之子孫之不思先世之德冒破公家之費而文元公之靈亦必有所不安矣况今書院已爲楊氏子婦雜居止可作爲家廟其門人高第必不妥靈而有司曾爲修葺者俱列牌位尤其無謂原楊氏子孫之意不遘歆動將來有司之修理而上瞻乃祖之神亦何顏何心也但春秋之法爲賢者諱雖在子孫猶當十世宥之前項工料價銀伏乞免賜追寃但本縣依奉鈞語今當從長區處境內儒者文元爲最復查得楊公安道明經講

學崇正黜邪大爲范文正公所敬杜公醇經明行修師世範俗大爲王文公所服黃公東發淹貫經子著有日抄而尤崇尚朱子之學皆宋代之名儒與文元相後先者也他如建昌之傅正夫嚴陵之錢時雖非生於斯土而實文元公之高第與夫永樂間之陳光世力學不懈師道自尊雖生不同時而亦有得於理學者也仰思前修咸可誦法本縣照得普濟寺見有宮室已無僧人坐落慈湖東北負山面水且與公館分司相近莫若毀去佛像中列二楊杜黃四公旁列文元公之門人如傅錢二子以下咸以次附之而陳光世亦與焉皆設爲木主有司春秋量盞蘋藻而儒生學子聽其講習於中况慈湖書院近年設有門子就着令看守禮以義起道待人行不惟示一方之觀法而實舉百年之曠典也况本縣人民迷惑佛教而白蓮社會屢禁不悛轉移之間庶知趨舍其楊氏舊有書院則子孫世守家廟理宜自行修理不當煩有司公帑但當量免雜差以示褒崇庶息其妄念養其良心而於文元公之後亦不爲小補矣

申革冗費

竊惟王道在於足民禮節生於衣食稽諸往籍所載

舉皆着實可行今浙江爲東南大省而民風土俗漸不如舊揆厥所原皆由賦繁役重財盡民窮饑寒切身不顧廉耻近考改議賦役文冊皆一時濬省名臣經畫卑官末學淺識小才固不敢出位妄議但自慈谿一縣觀之上供歲額似不可少而邑里浮費則有可省况本縣誌稱畏刑易治而近多鬯訟玩法一錢尺帛致傷同氣積逋累欠其犯嚴刑比之他邑尤爲頽敗本職叨任縣官實切惶懼若不稍爲區處將來益不可爲謹具可以減省者數條開後關煩轉達施行准此照得本縣負山濱海田地寡薄賦役繁難兼之久缺正官公私未免妄費小民愈覺貧窮輕蹈刑憲罔知禮節多由於此昔司馬公謂天地所生財貨止有此數不在官則在民今雖所省不多而一實爲山細流成海積之數年民力亦可以少寬矣擬合申請憲斷求遵守施行

一冊設支應銀貳佰兩近查得支應止該奉有真正關文上司衙門牌面者方許准作支銷其餘府官臨縣供給及一應士夫交際瑣享往來雖情不可無而法不可有者並不得於內支取本縣不係四方通衢關文牌面亦不見十分往來量留七十二兩大約一

日該銀二錢亦穀應用况此銀徵收在官年常被掌
管人役侵尅致累查盤伏乞減去銀一百二十八兩
一冊設和顧船二十隻每隻該與價銀七兩二錢共
銀一百四十四兩本縣差使頗少而一年上司往來
多亦不過三四次雖或有差約船一隻一年不過用
伊二十餘次暇日伊自別顧與人得利每船給與銀
三兩六錢已穀工食近訪得前項船戶况又多是互
相影射伏乞減去銀七十二兩

一冊設進茶黃絹袋袂旗號篋扛弁祭禮路費銀五
十兩內黃絹竹篋祭品等物舊筭該銀二十二兩進
茶吏路費二十八兩本年路費雖已減去銀六兩近
蒙本院將茶編入丁田內出辦尤爲節省自今以後
其黃絹竹篋祭品等物止用銀十兩已穀買辦進茶
路費給與二十兩亦穀使用伏乞減去銀二十兩

一冊設存恤孤老每名冬夏布花木柴銀六兩本縣
共設銀六十兩近查得本縣孤老多係傍縣得過人
戶謀求里書妄報冒濫已行革去止畱男女一十九
名口由蒙本院依擬後雖有續報收養大約畱銀二
十兩已穀給散伏乞減去銀四十兩

一鄉飲 朝廷大禮垂之經典載之律誥固古今盛

事風示邦人但本縣一年二次額設酒席
拾兩共該銀二十兩已穀牲醴果核一應
之費况自古兔首瓠葉用獻君子蘋蘩茹
公而民六時歎又多殺禮冊設鄉飲酒銀
抵多爲在官買辦人役尅落實非從厚伏乞

十兩

一冊設文廟二祭共銀五十兩社稷山川壇三

四邑厲壇三祭共銀三十兩鄉賢名

名二祭共銀一十六兩張孝子董孝子白龍潭

潭各一祭共銀一十六兩竈神祭禮不在後

方山名集卷五十三

十

在於謹嚴其所用牲牢醴帛黍稷之屬當如法不
可缺少亦不宜暴殄以褻神明故陶匏掃地可以重
天而躡于祭祀時謂弗欽况本縣前項祭祀品物本
縣已行逐一照數估價其實不須前項銀兩大抵多
爲鋪行人等通同在官人役尅落伏乞於文廟二祭
共銀四十兩社稷山川壇各二祭共銀二十八兩邑
厲壇三祭共銀一十五兩鄉賢名宦祠各二祭共銀
八兩張董二祠白龍水昌二潭各一祭共銀八兩則
所費之銀雖省於前而所祭之品一如其舊事神行
禮散福分胙無有欠缺而神明亦慰安矣

一冊設本縣東西二郭按官亭門子
二西但上司及使客亦無甚往來就亦往
止亭中其亭止是空屋一間又無器物一守
亭在清道觀前西郭亭連闌圍坊長總申當
何用門子伏乞革去

又

寧波府慈谿縣先准本縣知縣薛闈前事內將木
雜辦合該減省數目開關到縣申巡按御史張
擬足見知縣習意節省實心愛民古之賢令弗
也革去事宜告示該
八悉其本官曾經承

才山卷二十二

十一

處所若有當革通行酌處申奪蒙此准知
事照得浙江一省爲府者十有一爲州者

七十有二爲衛者十有六爲所者三十有

照本縣裁減則一歲之、幾及五萬而積之

拍五十萬于民兩浙之疲瘵其將復蘇等因

此照得關內所開實係軍民願達之情申

改議文冊除稅糧額辦外其本省之驛傳

里甲通行量加裁節立定數目重行翻刻

庶可末爲遵守

行

一本府三衛九所二寨 城一十二座及定

二衛并大嵩等九所各有城垣前此小有所損當該
官司隨即申明措置修理用力少而成功易未嘗每
歲擾民至嘉靖四年蒙巡按御史潘批據本府經歷
司呈文每年每衛大城徵銀一百兩每所小城徵銀
三十兩每年該徵銀二千一百二十八兩三錢八分
七厘作爲十分均派民七軍三俱於該年見役里甲
出辦若通以十年總計則軍民共出銀二萬一千二
百八十三兩八厘七毫更加秤收火耗及經收人役
侵加所費實爲不貲及訪得前銀縣解於府其軍官
人等到府領回不審果然收貯在庫以候修城亦不

知作何下落本職思得前項城垣先此不曾派銀之
時亦未聞倒塌以召外侮若掌印各官常川巡視稍
有尺寸之損隨即措置修補必不至於大壞豈有一
時併修之患况十年之間城垣亦未必屢壞就壞亦
豈至坐視盡行倒塌決不湏前項許多銀兩修理推
原其故不過當時吏胥通同衛所意圖侵尅造爲此
說上司一時信之亦君子可欺以其方也本府小民
興言及此疾首蹙額乞詳處博議着令各掌印官照
前稍遇損壞隨時申呈估計修補以寬民力則城既
不壞而民亦稱便矣

向川兒呼廷章等一千平人徑自濟
述較然該府因保軍職姑從末減奏呈
院蒙批徐銳革去管事量罰雜糧二十
年六月十四日車任發延安府追納贖
務已蒙延綏巡撫王行委指揮神漢管
正宜悔罪斂戢乃復哄誘衛所軍士朦朧
後妄叙辛苦自稱告聞通行呈擾希圖不
遂欺蔽此雖武人不當責備但其公行恣
司一無忌憚情甚可惡合乞批示戒飭
糧以警將來

參虜人入境殺傷官軍

參照高家堡守備綏德衛指揮使劉芳猷
資濫膺守備之任平時怠事而烽烟不明
而收斂無策勢雖不敵責實難辭本堡坐
右所實授百戶陳勛罪屬同科法應併究
副總兵陳鳳延綏遊擊將軍署都指揮僉
恩左珊雖若及時應援不能相機斬獲
虜罪亦有間遊擊楊璘遠自京

弱情可矜原鎮西將軍鎮守

都督府署都督僉事李輔職

縣額派各項料銀俱於丁田內出辦常年於二
間審派責令里長催徵辦納小民當此青黃不
時艱於措置不能即完部催司府司府催縣官
相督迫唯務自寬已責何暇又察民情致使里
川在縣不能生理而播捷驚呼有使人不忍聞
以今預先審派出給由帖就於徵收秋糧時候
不惟小民當秋成之日易爲措辦而里長亦
併了事歸家生業縣官可以經理他事矣

毋過徵收均徭里甲丁田額辦雜辦料銀輒

徒謀作收頭通同吏書恣意勒收秤頭火

不

古

王該解又被侵欺只得追份變產多
欠上累官府日夜督催下累小民重
何害不可勝言乞自今以後縣置印信
風官直堂吏典庫役照數收封開寫頭
白就令佐貳官嚴押經收庫役解府
者府令首領官嚴押解司即守取批
多收侵欺之弊而料價易完官民兩便

其私衙一應家火舊派里甲出

科其十甚爲擾民近蒙本院量官品

級議定數目每年於均徭內徵取三分之一貯庫收候買辦不許另派里甲甚爲便益但近來官多不久任兼有補任丁憂事故更代不常或半年一易者有之或一年一易者有之久亦不過三年送故一新爲費頗廣其間賢者離任之日將家火交還公堂應用又多爲在官人役侵匿乞申明曉諭今後新官到任就將前項家火開關公堂置簿照數登記離任之日逐一交盤接管人員收掌就與後官使用况銅鐵錫器經久不朽椅凳床凳俱耐年月其有毀壞者聽其明白開闢方許貯庫銀內補辦書謂細行不矜終累大德此雖一節亦可以驗各官之操心制行矣况又有一等在官家人因官將去拆毀衙內門窓板壁以供爨燎致累修理此其爲費比之家火用財尤多亦須令驗視開載關文聲說明白方得啓行

一本縣舊時每遇新坊里長接役輒送各衙轎傘鋪蓋坐褥錫硯皂幃等項物件習爲故常恬不知畏今已嚴革但恐不特本縣爲然乞申明禁約

一本縣舊時各官出外多令坊長跟隨一應食費俱令出辦坊長又派小民思得各官自有俸米柴薪馬

夫焉得輾

擾害乞通行禁約

一本省各衛所每年造冊紙劄工食銀共計用銀六千三百七十七兩一錢五分四厘六毫五絲四忽其間雖有進表祿匣祭旗盤費亦不須前項銀兩本宜減去一倍恐武官不學其情有所不堪但伊亦當思朝廷念汝先世勲勞命汝子孫世享爵祿正宜感恩思報常存河山帶礪之心撫恤行伍愛養士卒以備不虞豈得侵漁以困其力坐致饑寒何以戰守乞將前項銀兩以十分爲率減去二分則每年各衛所軍士亦得以共免銀一千三百兩矣

一各處祠廟門子多有設三名者思得崇奉先哲其敬之隆殺不在於門子之多寡今凡有二名處所擬合減去一名

方山集卷五十二

六

一本省各處渡夫壩夫碇夫閘夫幾及千有餘名除衝要去處似不宜裁革其偏僻僻地每年於均徭內審出多被光棍誑銀其有等去處實是不須夫役如本縣丈亭既有門子又有渡夫止是地方棍徒誑領工食並無一人應當况官負經過自帶有門子而民人往來彼此自相撐渡地方里老居民常川看管其實一無用處及西壩渡夫四名合亦革去二名車旣

理則自有
夫人役雖一名亦不必設矣

一各縣鄉宦士夫遷除及經過使客往還或不免有
交際之禮其簡僻去處相接希少猶或可辦至於衝
要繁劇之地縣官因支應不敢開載遂至多方搭派
此甚非所以養其誠心事上不欺之道也乞明許令
於本縣二分紙價內量取支給設立紙價文簿登記
以憑吊查則其所接之當否所用之奢儉亦可以驗
各官之人品矣

尚論先賢以嚴祀典

照得本縣欲將普濟寺改建書院祀宋儒楊慈湖先
生因祀楊大隱杜石臺二先生及慈湖門人錢時傳

正夫佾永樂間陳光世諸子俾後學觀法具申巡按
浙江監察御史張批細觀此事見奸僞不能惑知縣
矣足見知縣卓有定見超乎流俗遠矣哉依擬繳等
因到縣本縣隨將前寺佛像毀去亟欲卜日擇工敬
造諸賢木主間隨蒙提督學校浙江按察司僉事徐
批據申足見崇正闢邪之意但欲僉祀諸賢則尚有
可商確者蓋孔孟心學惟象山陸氏夫子得其正傳
而象山之門惟慈湖先生號稱高第萬世而下學者
知立其大知尊德性皆其功也近時學術不明士風
瀾倒所宜獨表楊氏以示嚮往其餘諸賢考論功德

恐稍有間况已崇祀鄉賢祠復祀於此亦似反瀆該縣官素耻詞章功利之習者也再一議報仍查照察院批示施行此繳等因到縣竊惟近世學術不明人心大壞本縣習俗更覺難言本職到任事上使下之際不勝可慨自揣凡庸愧無以風示境內因見慈湖楊氏子孫既已占住書院又每因上司按臨輒將修理爲由告給工價公領私用虛費民財大壞良心名雖優待先賢之後實則有負慈湖之靈本職頗欲與人爲善見此實爲赧顏故欲將杜黃諸公併祀以絕楊氏子孫後來希冀之念且當人欲橫流之中士

習頹敗之日示學者易爲思齊俾弗果於自棄心學淵源姑置未講蓋寬以望世俗之中人也近蒙本道批示直欲闢正路之榛蕪明心學之要領不惟詞章功利者不得雜於其間雖從事於儒而流於支離汗漫者亦當別議矣蓋嚴以待古今之賢人也本職平心熟慮既欲崇尚正學以示士人嚮往誠不當姑徇俗論以滋後來意見公是公非人心自定揚此抑彼學術斯明合從本道獨表楊氏及再考其門人高第如廬陵曾汲古建昌傅正夫嚴陵錢時_七凌會燭吳縣葉元吉吉水縣丞趙彥誠其言論記取於楊氏

遺書者皆妙悟本心統宗易簡不泯沒於俗學支離之說而有得於象山之傳與聞孔孟之正脉者也雖非生於斯土而實精神會晤於一堂擬合旁列左右以見其授受之相孚道心之協一旦因表楊氏門墻之盛而後學拜瞻知所從事其餘楊大隱杜石臺陳光世諸賢仍遵依止祀於鄉賢祠弗得再瀆庶功德允當義法森嚴而人心學術漸知嚮往矣其書院原係廢寺改建今查舊有寺田就爲春秋享祀并修理廢用除召佃戶承認設法另行具數繳報外緣係遵奉再一議報事理合關本縣轉達施行

申禁軍衛擅自徵運民產錢糧

觀海衛軍置本縣民產該糧一百七十三石七斗四合伍勺七抄五撮不行完納及節次行文催趲該衛帖稱三月初七日差收頭程安定葉克和解運原坐倉分上納因無監收官負糧米堆垛在彼及查原坐廣積一倉運納入戶俱有串單銷繳惟軍甲錢糧獨無監收中間顯是搪調及參照得凡軍置民產必須送縣完納領運庶額數可查事體歸一今該衛不思版籍錢糧爲重倍恃武職縱軍侵匿就使果係自行解運亦紊亂成規前此未有將來必仗軍民不相統

屬侵匿欺隱情弊從此造端本縣官民貽累匪輕防
微杜漸不可不慮乞究察禁革庶制額錢糧微解歸
一擬合通行申究

裁革甲首夫役

照得本縣原係二百里內除人戶貧乏并逃絕里分
計轄全里共一百五十二里三分先該縣官不遵議
處文冊每年見役里甲各出夫一名每名約工食銀
陸兩多被傍縣棍徒影射一人包當數名里長又因
而科取甲首耗財頗多害民匪小本職深欲盡行革
去但恐上司一時按臨不彀迎送差遣擬議之間不
能盡如初意自今以後計兩全里朋出夫一名止該
夫七十六名如上司按臨更有不敷其時自當另出
告示量起人夫暫令應用一待起馬隨即散去爲此
出給告示革去全夫止許兩全里朋出一名聽差如
有包當之徒串同里長勒要甲首全夫工食者許被
害之人指實陳告以憑究問不恕

稽查紙價賊罰

照得本職到任止憑權署縣印本府馬推官將耳房
庫銀兩對面文盤寫立合同文簿各收執照當今庫
役孫瀛收領看守訖及照交盤簿內開欸并吊庫子

孫瀛日黃堯簿開載紙價贓罰除係上司發追外其
係本縣追收未經申報者止有銀二兩七錢四分二
厘豈前官盡是聖賢使民無訟亦豈盡爲不才恣行
竊去揆厥所原多由吏書人等通同庫役作弊毀滅
卷宗移冊籍合計侵分漫無忌憚官更吏改遂難
稽查致使糴穀備賑之明條視爲虛文而鈞金束矢
之古意反滋末弊本職初見民窮犯該笞杖者量情
發落勉諭改過悉免紙張後因民俗好訟其有罪者
亦照例量追貯庫以寓裁抑之意但恐才疎事繁人
情多詐况本職見以具疏乞改教職一旦更去則承
行接管之際不免亦有前弊矣爲此開關本縣官吏
公同將本職自到任以後紙價贓罰逐一清查某項貯
庫上倉某項見監追併總撒數目備細攢造文冊自
今爲始逐季申報上司度上下相制卷冊可查前項
人役亦知警畏矣

申請委官署印

緣職氣體羸弱素患痰火勉強辦事益發哮喘據醫
生方邦畿等診視稱言若不乘早謝事調治大患在
即職亦自知病根已久力難支持今年二月中關煩
本縣申府不允三月中隨日陳情令義男薛旺赴

行延安府查代判文案押字牌

據延安府賚送六事文冊到道看得年月日係張知府往各處叅謁之時比時推官胡溥署管印事何得有知府僉押批據該府呈稱六事由冊批呈俱係知府押字止空小日推官胡溥僉寫揆之於律已犯同僚代判之條及送蒲吏王賀到道却又仍作知府僉押不惟玩法無忌恐有別項詐僞已經提問該吏郝講未報今照知府回任所據王賀合併發問爲此牌仰本府照牌事理卽行張知府將發去犯吏王賀與同郝講併究明白問擬如律具招呈詳施行

方彙卷五

三

批鄜州查見監庫役王宗禮申

凡物成毀相因雖金石亦有鏤泐况驛內鋪陳公差員役絡繹蹂踐難保不致破損該州申稱王宗禮所管前項鋪陳遺失破損相應盡數賠償本道看得本犯監久無追妻子離散而原情揆法與侵欺者不同除遺失者限令陪補外其餘破損者悉與饒免查照原擬速卽發落不許久淹致傷生命

批慶陽府解審犯人楊應之等呈

審得楊應之沙湖朱克禮等積年棍徒誑官剝民無

所不至

載引鹽既納課領票且又不越該府

信何足爲異本官宜安心辦事無興異念報政三年
任行高志申請再三恐人將視以爲矯若必欲改官
則本院亦必有他處恐本官亦不得坐索高價也知
之

繳正學書院批申

爲尚論先賢以嚴祀典事申蒙提學僉事徐批正學
不明士失所宗久矣該縣此舉甚善甚善俱依擬行
此繳蒙此案照先爲出巡事蒙本道批據本縣申文
蒙批據申具見闢邪崇正之意但欲並祀諸賢則尚
有可商確者蓋孔孟心學惟象山陸氏夫子得其正

傳而象山之門惟慈湖先生號稱高弟萬世而下知
立其大知尊德性皆其功也近時學術不明士風瀾
倒所宜獨表楊氏以示嚮往其餘諸賢考論功德恐
稍有間况已崇祀鄉賢祠復祀於此亦似反瀆該縣
正官素耻詞章功利之習者也再一議報仍查照察
院批示施行依蒙重行議申去後蒙批前因除遵依
外謹卜本月初二日奉慈湖楊先生及其門人廬陵
曾汲古建昌傅正夫嚴陵錢時廬陵曾熠吳縣葉元
吉吉水縣承趙彥械木主神位率官屬師生送入書
院奠安如禮其書院規模亦甚寬廣額匾就遵本道

批內正學二字題爲正學書院庶幾永作學者公共
藏脩去處因以激勸後人如有賢者學宗正傳皆可
得入不爲一家私占以蹈前弊及查舊有寺田就作
每年春秋祭祀脩理支費已經併申其書院基地丈
尺房屋間架樹木株數併田畝數目坐落住址字號
佃戶姓名租稅原額逐一查明造冊見在但本縣衙
門人役滋僞巧弊雖徵解錢糧多爲侵盜前項書院
屋地田租等項若令掌管時更歲改必盡行埋沒立
見荒廢合無本縣每遇徵收田租之時或掌印官或
委管糧官就在本縣儒學另立一倉公同教官驗收
積貯就令教官掌管支費數目每歲終開報本縣轉
申提學道照驗以憑稽查庶書院不至荒蕪而田租
不至侵匿矣

方生全集卷之五十三

移七芝谿縣行

曉諭齊民

照 以慈谿為縣素稱文獻絃歌比屋章甫滿朝誌

其勤穡力本尚禮好文王介甫亦謂慈谿小邑其

一二不雜其人畏刑而易治但世降俗末則有不

然者今欲啓迪其本心復還其舊俗愚雖不敏竊

志焉昔程明道為晉城令嘗謂圖治於長久者雖聖

賢為之且不能倉卒苟簡而就蓋必本之人情而為

之法度紀綱條教必審定而後下本職菲薄叨領是

方山全集卷五十三

一

邑蒞政甫及四月兢業實有百端民情事體固未

誠心直道 不敢 敬述數條與吾民約之於

而慎之於終不能以身先而徒以言教自反之下

愧焉惟願吾民相與體之

有孝 父 友愛兄弟親厚宗族和睦鄉

誦者本職訪知量加優賞

德守正特立之士方蹈山林不識

鄉閭輓回風俗者本職自當造訪

設祭俱當以朱子家禮為則有患疾

藥金不得用師巫

民間疾苦有司所當

以待一二將倣橫渠月吉

酬之禮奈民心不古輒有要步

以後切宜戒之

一在學生員及儒士民生果有能潛心

以古豪傑自期者本職亦願相與誨

口耳聒飾觀聽者不必相聞

一本縣人民多有宗族相殘兄弟告訐或同居共

而稱爲世讐或小嫌私忿而構成大獄或捏詞誣

而徑赴上司或旁引曲證而牽連累月今後務宜

方山彙卷五十三

凡自反深思是非利害各宜含忍况一人繫獄舉

不安而陟虛招誣罪且不免只此一事已屢經告示

若再不相體必置之法

一白蓮無念等社及婦人入寺觀燒香亦屢行禁約

敢有犯者許諸人拿送到縣以憑問擬如律其里老

隣佑人等互相容隱事發一體治罪

民間各樣生理皆 已 迴活况本縣爲東南入

嶽之邑尤當慎以 梓術奈何敝風相沿游花子弟不

務四民之業專一鳩集徒黨搬演雜劇粧出醜態務

悅人貽 且鄉黨取笑他邑傷風敗俗侈費耗財莫

衙門使用科歛甲首小戶

一在官糧長收頭解戶庫役人等多有侵欺錢糧問擬軍徒變賣家產監死刑獄累及官民禍延子孫者固是大姦大惡亦爲至蠢至愚中間無藉光棍恣意貪饕拚身亡命者固不足恤亦有計領官錢初欲經營以取利者不知錢一入手不免妄用途一散不能復聚卒至喪身亡家以貽無窮之患今後此輩務宜深思利害保重身家顧惜子孫無起妄念一遇徵收轉解務須刻期完事歸家生理以享安閒之福縱是貧窮多少自在凡我良民戒之慎之

五

方山全集卷三

四

何庫

一街市鄉村諸色牙行人等每月朔望投遞執結開報貨物時估貴賤價值不許把持行市多索牙錢兜截貨物做定價目欺騙鄉民違者定照喇唬例問擬軍發邊衛民發口外申詳發遣決不輕貸

一訪得永明寺前布市有等婁頭光棍專一行使假銀騙買鄉民布縮到手輒又截長扣短暗令黨類易敝衣破帽扮作鄉民騙賣與人展轉覓利本鄉小民異鄉遠客俱受其害許地方拿送究治

一徐家巷口平政橋竹巷口大方橋市心等處有號

爲人王閣老學士王事提控處士等項名色八九成

羣在於東西二原嶺下來田三板橋等處堆截鄉民魚蝦鱗蛤不容到縣自賣及一到手又塞泥拌土重等輕秤做定高價似此等項本卽拿問本職以父母之心姑許速改如再仍前縱惡罪在旦夕

一本縣豬行屠戶專一交通牙家行使七色錘沁九色印沁低銀及巧用蝦弓套頭攀紐扶幹綆錘長人矮人等項手法似此姦徒深爲可惡如再仍前不改事發定行重治

一本縣遇有發賣官塩及有巡獲私塩俱被積年慣弊鹽牙串通吏書撰捏鹽大戶名色示令坊里開報

誑騙民財今後俱發鹽行人編班領賣違者究治

一飲酒最能亂性害事太禹聖人必惡旨酒成周盛時羣飲者殺本縣人民率多好飲雖至縣庭猶乘醉妄言甘心受責推原其故皆因酒肆過多便於沽飲今後縣前直街左右止許賣飯以便鄉民不許鋪設酒棧誑誘民財荒廢事務如有犯者著地方總甲送縣懲治

一山鄉居民砍伐柴薪挑載出賣多被尤棍把持任意喝騙今後照依時價聽其自買自賣不許仍前恃

強抑勒

一養濟院本以收養無告窮民先前里老受財輒將壯健得過人戶冒支官糧本縣已行審革姑且免行追究今後務要從實開報必使澤及窮民

一凡陂塘溝渠水利所在官民田畝賴以灌溉不許豪民侵僭自用或壅或瀉以爲民患其海堤去處尤當修防無得走泄水勢崩潰堤岸

一代人捏寫詞狀教唆扛幫者許各該地方人等指名呈告照例重治

一民間有等姦徒因告爭他人田土不遂輒朦朧捏寫契書投獻勢家其家人一時昧於理法收留僭種者容或有老婦仍前不行改正者本職雖懦弱亦當追究並擬如律

一訪得本縣多有外里移民或躲避軍匠或畏懼差徭流移居住不務本等營生縱容妻小爲娼往來酒肆誑誘良家子弟爲害不小着坊長總甲人等責令各歸鄉里本業營生敢有容隱者究問不貸

一聞得本縣盜賊自來稀少近來時或竊發不可不嚴爲之防各地方該舖總小甲火夫人等遇夜各要巡警提更唱號以防一切不測之事其常設民壯弓手巡捕官并兩巡檢司務選年力精壯通曉技藝者

充當分派各該緊要地方巡視并隅都
等務要盤詰異言異服面生可疑之人不

民家客店如遇投宿客人俱要附寫姓名

明白每月朔望開報送縣以憑稽考

一民間但有不孝不悌不睦九族欺虐鄉里老

老人等指名具報以憑懲治

一有不務生理專一三五成羣賭博撒潑夜聚賭

誘害良家子弟者俱照律例問擬枷號痛治不宥

一前項禁約止具畧節曉諭吾民使知所趨避凶

今以往雖平日有過者若能悔悟遷善即係良民

方山全集卷五十三

七

職决不追念舊惡其縱恣不悛者明憲典章昭布森
列本職亦不能汝貸矣

勸諭僚屬

照得縣設令長佐以承簿而幕職次之上下相維彼
此聯屬無非欲其協恭和衷承流宣化以安此下民
也本職迂疎謬長茲茲邑蒞任以來夙夜戰兢正恐得
罪於上下尚賴一二僚屬矢心戮力助其不及爲此
揭數言於堂朝夕觀省更願吾儕相與勉之

計開

一吾人之一心萬事之本存心一公則天理流行而

事事物物各有條理設施措置自無不富昔人所謂
與同僚待羣吏愛百姓處官事與夫曰清曰慎曰勤
者總不外此而得其諸毀譽得失皆非所計而心逸
日休矣富貴受用會有過於此者乎存心一私則人
欲縱恣而事至物來別生意見顛倒錯亂無所不至
昔人所謂所得甚少而吏人所無不費與夫塗擦文
字追改日月重易押字萬一敗露得罪及重者亦不
此而得其諸人非鬼謫皆所不免而心勞日拙矣
體辱親又曾有過於此者乎

一私欲生於形氣極易恣如火斯熾撲滅甚難

伊川謂今令與簿不和只是爭私意良有以也但
平旦清明之時燕居獨處之際試平心易氣思之
下之人多少長材大器不得一官也職埋沒草莽
衣糲食甘心賤貧自反諸身亦無以大過於彼
得居官食祿冕服乘軒比上不足比下有餘矣
不自足而必求逞其欲耶况欲不可逞而爭
將爲身計而身不可保將爲子孫計而子

守作善降祥作不善降殃天道神明毫髮
思之則如水制火人欲日消而天理可保

一朝廷任官三途並用由貢而馳聲

一二瑣屑事體併附列以告亦願相與體之爲此開
關本縣煩爲轉行儒學揭示施行

計開

一易曰天與水違行訟君子以作事謀始夫始之不
慎訟之所由起也學者果能見幾識微使不至於訟
而橫逆之來又能含情忍性則日漸月摩而齊民化
之亦將無好爭訟矣此陳寔居鄉訟者恐爲所短而
敢爲不善者亦不欲使王彥方知也今慈民好訟咎
在不敏而士居民先轉後機亦竊有望故願諸賢
協力匡助其諸賢二得已決欲興訟者請具詞

方山

卷五三

十

於本學掌教司訓先生公同驗過收候五日一次類
送本縣自當依法施行則士人不類於凡民儒衣不
混於囚服而於訟之中亦庶幾有復命安貞者矣

一表記曰君子不失足於人不失色於人不失口於
人夫是三者所以養素自重也學者果能守身如女
子使不一有所失而交接之間又能動中禮法則不
諂不瀆而官府見之亦自然起敬此滅明之持身所
以深爲子游之取而宓子之治單父所以有事之而
稟度者凡幾人也今諸賢抱道自高者固願見而不

可得間有因私家細故輕至公門及至公門而猶

曰之於體貌不雅故願諸賢以道自重
引政治得失切已事情必欲相聞者諱
竹提調諸生之分就於明倫堂對衆稟
何之態又無苟賤之羞志意舒展言語
百體悉矣

方山集卷之三

七

無與儔他如石傘石帆石簣石鷄石甕品特石壁厲
峭會稽名勝爭環競抱陰鏗難措於辭張正詎陳其
巧聚秀鍾英翼然有亭簷阿翬蜚棟宇鳥驚焚燎沃
彩櫺檻麗明重關深說崇險夷平簾櫳霞起堦砌雲
生松筠倚徙而流翠芝蕙窈窕而敷芬時有飛花入
研瑞靄蒸文冬不凄寒夏無炎輝瑰琦充溢古雅具
陳青萍繡鞞朱絲錦盛漢譜宋刻騰輝燿精琅函犀
軸今昔著稱陳玄端紫管城劍藤後先左右郁郁紛
紛爰有主人長晝未闔乎孫屏董帷清夜而燃檠形
陶頽乎鄴架心滄沫兮至情聖者作而明者述數有

圖而理有經撰著上窺乎姚姒俯先秦而陋兩京積
厚斯發畜極攸行雲蒸虎變連茹彙征講筵詞掖籍
籍馳聞量材較藝設矩縣衡青陽桃李濟濟烏衿格
心華國天下仰成揆經綸於伊始聿有感乎斯亭若
乃載酒合江浣花樂俗會勝房湖浮鷗廣莫疇昔後
乎佳名今茲邁其芳躅蓋寔天作而地成造物寔司
於幽獨詠高嶽於周詩喟申甫之相續維蜀山川毓
秀孕靈渾淪磅礴萃於人文蔚若相如嚼若君平玉
襃鞞擘而秀發楊雄含章而挺生孔明輔漢而盡瘁
今伯報剡而陳情李白感長庚以迅邁三蘇鍾眉山

而擅名遙瞻石秀慚我後生緬懷才賢俯仰古今慨
往哲之不作羨斯文之有人亂曰維山崔嵬石效珍
兮發秀吐榮團祥氛兮維亭穹崇哲人棲兮虎豹炳
蔚光陸離兮簷楹逼斗星文閃兮寰宇嚮風圖書闢
兮茲山茲亭永無極兮

牡丹賦

代管副憲作

鉅野府中牡丹盛開余觀而樂之爲作賦曰伊嘉卉
之足兮爰託居乎紫庭羨金玉之枝葉兮若相輝
而與京仰華宇而盤旋兮依嚮明之雕楹夾迴廊而
駢羅兮周迎風之曲亭覆青鋪之礎砌兮映碧疏之

綺樞漾朱鏤之文檻兮昭素箔之瑩晶培湮湮於密
液兮挹玉漢之寸指灌脂水於阿房兮漱華池之流
清適條風之應律兮胥協氣而網緼泯剪製於天工
兮屬造化於陶鈞俄菩菁之含暉兮綴翠枝之列星
挹霄零以舒采兮發窈窕之殊英熏晨曦而噓葩兮
逾綽約而光明左紫練青赤於神女兮韞紅織雲錦
於天孫朱砂轉九鍊而傾鼎兮玉板經兩削而破荆
鶴翎蒙茸而縞素兮金粉團聚而鮮新楊妃春睡於
玉樓兮西施若笑而若顰音形異種不能以縷數兮
恍鬪巧而爭衡爾其徘徊以周覽兮不覺目炫而心

驚顧高枝之方獻兮轉疊蔓之隨擎盼垂條之廻繞
兮憐纖縈之輕盈紛冉冉以陸離兮追度索之玉衡
更焯焯而擘曜兮嗣崑崙之若英蘇賀垂芳於藝圃
兮姚魏緣之而著稱茲真洛陽之麗藻兮洵非於越
之舜英惜雅什之未載兮致騷人之失名披歌吟於
李白兮豈其錦繡之足形賡諷詠於蘇子兮亦非瑪
瑙之可評忻末叔之彙譜兮庶觀物者之可憑何堯
夫之先見兮識零落於方榮矧青春之易邁兮柰白
日之遄征嗟人生之留戀兮疇克過目而忘情聊酌
瓊蘇以酌神兮願奕葉之相承惟主人之慎護持兮

斯永莫乎厥生

方山薛先生全集卷五十五

詩

四言古

七子詠

并序

七子者建安才子也闕于詞賦爲時所推
獨其學不知本溺於風流乃若名節自勵
吾差有取於偉長耳嗚呼才之難也余蓋
憐之爲作七子詠

曹植子建

翩翩公子曄曄英才侯封數易罹此疑猜放情燕樂

方山集卷五十五

一

庭

幽意徘徊矯志責躬五遊七哀沉憂寄興鬱鬱而摧
富貴逼人孰與草萊

王粲仲宣

嗟爾祖父爲漢三公生此多才爲世詞宗奈何不辰
遭此鞠凶秦川板蕩家廢途窮往依劉表無如蔡邕
登樓作賦歸心有忡

徐幹偉長

古今文人不矜細行建安才子偉哉徐生清玄體道
遺世辭榮箕山雅志潁陽高情懷文抱質器度渾成

中論昭垂大義以明

陳琳孔璋

漢當末造炎運流離董生倡亂袁氏乘危進退維谷
去就踟躕本初書記聊爾羈縻晚歸孟德章表四馳
騷騰波流名播一時

阮瑀元瑜

少有異質受學中郎曹洪辟召辭疾而亡遭遇魏公
軍謀贊襄才優記室策馬成章一時書檄藻麗鏗鏘
渤海脫迹河曲翱翔

應瑒德璉

汝穎竒士家學流傳卓哉有斐星雲粲然逢時多故

方山集卷五

二

張本

漂泊迢遰曹公歛才招致帳前心懷述作忽忽遷延
惜竟不遂齋志以捐

劉楨公幹

殊才卓犖逸氣縱橫振藻海隅莫之與京鄴宮游燕
傲睨羣英彼美孟甄顏色輕盈乃獨平視以懼于刑
豈其信古滅燭絕纓

短歌行

白日西沒皓月東盈盛年難駐榮華易傾有酒在尊
有殽在俎式歌且舞爰樂我所憶我生時蓬矢桑弧
壯遊四方神慄形枯博物洽聞結交如雲萍漂星散

枉用殷勤貞心雅志達道行義滄海易變河清難俟
秋燕春鴻物候不同殊情異感各適所從卓彼鷺鳥
栖息艾蕭奮翼天衢闡闔迢遙嗟古英豪爭名矜勞
忍捐三命殉此二桃

獨飲

穆穆玄冬濛濛微霰孤旅幽居值茲歲宴仰聆庭柯
洒鳥知倦嗟我征夫亦又何羨欲歸未能中心展轉
獨飲不醉聊以自遣

偶書

顏回陋巷王通敝廬哀哉五穀惜矣三閭

名集卷五

三

七

毘陵十六詠

并序

余家居簡出罕所交游每思鄉之前哲與
郡邑守令之賢者恨不生同其時也高山
景行余將疇依爲作毘陵十六詠

吳季子札

延陵季子吾鄉之特氣鍾一元道通三極見禮知政
聞樂知德默造淵微不大聲色出其緒餘掛劍讓國

張子厚壘

子厚高賢胤徒流俗進士謝官歸隱山谷窮經著書
返我初服蹈中守常聖學攸屬季札風高踵其芳躅

楊龜山時

延平大儒龜山先生道傳伊洛僑寓毘陵十有八年
講道橫經啓我邦人爲世儀刑余生也晚詎能忘情

鄒志完浩

偉哉忠公吾邦之良受學程門尊禮游揚往復論道
日就月將謹獨二字佩服不忘諫謫新州歷變如常

周伯忱孚先

君子有憂未免鄉人學者大患在失所親卓哉周子
邁俗超塵遠趨河洛程門是詢聖在路口唯恐迷津

周伯温恭先

克齋集卷五十五

四

庭

伯忱仲氏是謂伯温從兄遠游同謁程門篤信好學
懇切討論拳拳服膺成性存存恬於進取爲世推尊

唐彦思棟

陽羨山中彦思最賢二周合志同事伊川克已復禮
切問精研推演師說纂次成編昌明吾道闡發真傳

鄒德久柄

孝哉鄒子克承家學莊外敏中剛鯁卓犖師事龜山
更加追琢布衣膺薦侍從帷幄昭雪父冤典禮優渥

喻子才樛

龜山高弟遷居錫山學宗伊洛啓鑰抽關紹興多事

國有權姦方主正論立儒庶頑多所識拔共濟時艱

胡德輝

理

龜山門下羣士切磋有如德輝所得為多究極精微
辨析差訛再謁元城猶恐偏陂護道有錄末世不磨

尤延之

袁

錫有延之受學玉泉龜山奧指盡得其傳誼經訂古
洞達真詮立朝抗論天子悚然完名全節沒世稱賢

李元德

祥

錫有元德延之門人淵源一脈嘯嘯道真歷官清華
願為外臣及掌國學表正人倫允矣師模為世所珍

古集卷五

五

陳宣

蔣良貴

重珍

良貴問學純粹而精發自延之龜山二程本心外物
界限分明積誠寤主恬退居貞及第第一不愧科名

黃商伯

灝南康都昌人

卓犖襟懷神清氣勇講論精密考亭所重來知常州
惠政種種黨禁方嚴謫居不恐載出載處不驚辱寵

石子重

務台州臨海人

外和內剛平居恂恂讀書談道尚質任真著為心說
默識靜存考亭討論毫釐具陳知我武進澤被斯民

王子正

遇漳州龍溪人

嗟哉王君一代之雄潛心道閫涵泳從容泊然名利
浮雲太空篤信務實見推晦翁知我常州興起士風
六言古

德慶山房春暮四首

山徑春深草沒禪堂晝永花飛懶向侯門扣角蕭然
獨被荷衣

乳燕雙飛欲墜新蕉半卷
可舒孤客忘言獨坐幽懷
空自躊躇

嘉樹繁陰翳鬱脩篁解籜離披昨夜三更雨過今朝
霽色淋漓

衣衾卷五五

六

陳宣

寂寂山村犢卧陰陰桑柘鳩啼館僕不閒農事汲泉
唯灌瓜畦

玉蘭花開風雨大作

素質自成殊品清芬不類凡花元是天工造物何爲
風雨交加

偶作二首

一室纖塵不到四時總是陽春自可延年度日何須
海上仙人

池上閒觀魚躍林間靜聽禽言誰謂光陰迅速一日

長如一年

人言

人言讀書辛苦此中至樂誰知日與古人相對千年
如共一時

長日

長日北牕高卧曾中百慮消除自是羲黃上人元非
書寢宰予

牡丹

滿砌牡丹花發攜尊一挹芬芳盡是玉樓春色何須
魏紫姚黃

觀箏

方名金卷卷五

七

庭

雨過春林笋透高高下下參差一見分明玉立臨池
影落漣漪

留客

池上鴛鴦出沒階前芍藥芳菲正值綠陰初夏嘉賓
且莫言歸

五言排律

同諸友登上方山

聯袂石湖濱驅車上方路涼颺暢幽懷淡月照良晤
翠黛鬱青葱白練浮輕素嘉樹逞華姿豐草承湛露
長條拂菌閣密葉隱蓬戶鳴榔起山麓吹笛自村塢

荆豔奏陽春吳歌發遲暮寶劍泣長蛟金丸走寒兔
夷猶隨所之倚徙間余步願追舞雩游懶作南昌賦
煌煌京洛行

京洛何煌煌中興景運昌鉤陳躔帝座樞輔映文昌
西北重關險東南沃野長奧區迴複道隆阜繞巖廊
樓櫓千層壯牙旗五色章宮庭浮紫翠殿寢鬱青蒼
仙觀翔鳩鵲靈臺集鳳皇園丘陳樂舞秦時薦馨香
職貢通諸國歸王合八荒璇題標貴戚玉珮識侯王
招選開東閣傳宣出上方侍臣聯鵠立俊士列鵷行
賜燕歸長樂承恩度未央昆明觀水戰蓬島聽雲簧
喜躍聞嵩祝歡呼詠栢梁千門傳盛事萬戶頌休光
猶阻揚雄賦空嗟貌不揚

朝罷出東角門恭遇 駕幸文華退而感賦

丹闕朝初散趨踰出殿廷鳴鞭流逸響奏樂遶餘聽
旭日晞朝露時霞澹曙星傳宣驅虎衛辟易擁龍亭
金甲陽光閃銀盔雪色淡仗移開寶扇旂轉應和鈴
左順瓊花碧東曹芝草青從臣遥捧牒侍史近橫經
共歎危微肯感陳戶牖銘地天欣遇泰堂陞喜忘形
自慙慙陋官階限掖庭無緣窺講幄空此仰威靈

同董海鹽林秀水游靈隱寺

野曠秋容麗山空灝氣浮雲開天竺樹日抱越江流
鳧舄攜仙侶鸞輿狎貴游丹楓明玉劔黃蘗照文裘
飛壑疑奔浪懸崖欲墮樓龍宮含藻井鷲嶺逼丹丘
斷刻書文沒危崖色相留藥欄燈影落竹院磬聲幽
炊黍開香積烹泉瀹茗甌松風時隱賴澗雨忽生漚
不盡塵沙劫空憐草木籌無生真妙悟長嘯寄蜉蝣
送徐少湖宮洗

黃閣儲真宰青宮屬上才絲綸嚴覆選章疏競先推
俞命宸衷眷徵書勅使來已知暎巷遇咸喜舜門開
元是瀛洲客還登玉署臺賢聲馳五嶽文采動三台

金珮昭殊寵緋衣麗特裁周官修羽籥商鼎作鹽梅
抗法隆師道包蒙養聖胎獨憐南國士悵望日徘徊

七言排律

次韻送吳筠泉掌南翰

南臺鳳去屬誰游此日君歸白鷺洲石室編摩凡幾
易玉亭名姓孰爲優試看歷代圖猶在可惜諸司誌
未修欲令馬遷終著述且教吳兢暫淹留豪華自昔
爭傳勝渴飲何人浪詠秋風雅近來多散逸願抽史
筆一時收

閒中偶成

畫長無事此窗眠始信閒中別有天世路
論人生泡影不須憐插籬種竹方成圃斲石
引泉學奕未諳先後著書聊續古今編
談玄客門外時停問字船野菜煮來供酒
下和茶煎自言寰海應無我誰說蓬山
推遷渾忘却短衣踈散日頽然

方山薛先生全集卷五十六

詩

長短句

臨高臺

臨高臺望天閭咫尺宛在雲中央
駕黃鵠乘青鸞紫霄碧漢何盤盤
攜赤松拉王喬遨遊廣漠真逍遙
襲霞綺餐星芝元化周流忘日時
鳴雲和吹玉笙曲中媚媚昇天行
弭絳節停朱檣眷言桑梓歸丘樊
嗟人生真浮漚百川東注難西流
任窮達憑有無勞心遠想胡爲乎

方山集卷六

何釗

君馬黃

君馬黃臣馬黑二馬同驅臣馬逼君馬
德臣馬力按轡徐行控銜勒君當尊臣當卑
與君相並終當危

哀王孫

昔淮陰韓信家貧釣城下漂母飯信信曰
吾必重報母母曰吾哀王孫而進食豈望
報乎旣信輔漢封侯報漂母以千金茲余
過信祠感而作此

哀王孫餽壺飧恤貧不望恩漂母雖女流慷慨真足
論豈知王孫可哀不在貧乃在功名遂富貴場中

不乞身千金酬一飯豈忍負君親哀王孫難重陳

北固山

北固山楊子江江頭峰矗矗山麓水淙淙眼前此景
真絕竒登臨忽忽動遐思風煙一息千萬狀今古游
人豈盡知

太虛草堂歌

太虛中莫可窺四方上下不知其幾千萬里空空洞
洞杳莫窮其所之山河大地總幻形造化萬物真小
兒白衣蒼狗斯須變有無無有相推移我獨何爲築
草堂蜉蝣蝸角同棲遲只有天君常太然浩蕩廓落

無爲無思青天白日光風霽月朝朝暮暮會合不須
期疾雷閃電那恐喝祁寒暑雨何嗟咨曾登廣寒殿
曾入承明廬凌虛厲空渺河漢誠然玉帝仙人居柰
何魑魅罔兩亦潛伏不免進退俯仰還躊躇自謂此
堂雖草蓋蕭條寂寞終無害不與城市隣亦鮮衣冠
會草樹煙花種種憑代謝四無人聲唯聽松風竹吹
鳴天籟舊藏古今人文牘有千萬卷閒中一展聊以
開愚昧追思昔年何意漫浪游天南塞北經涉萬里
將何求慙直不曉世途事樂人之樂憂人憂轉喉觸

諱那得知吐出曾臆無纖留幾迴逢怒幾遭下石幸

天。全性命歸林丘始知今居此堂不易得獨寐寤
歌堪偃息

夢覺歌

長如年無一事高卧北牕聊假寐夢中忽至瀛海
東波濤萬丈天爲漬中有一葉蓮花舟人晝被紫
霞裘舉手揖我笑相向謂我不是世上凡庸流可即
登舟去夷險無足愁我初恍惚亦起疑旣見魚龍出
沒左右夾輔成安流頃之忽到三神山瓊臺玉宇琪
花瑤草非塵寰不用排雲叫閭闔霓旌霞盖分明只
尺即天關造天關聞人語濟濟衣冠類鍾呂進問玉

童前班諸老更爲誰笑而不答投片楮上有書篆雲
朦朧再三檢閱姓名一二差能通乃知廣成子浮丘
公老聃及彭篋王喬與赤松古來列仙皆在中

饌張華宴金漿玉液交相薦碧落磬雲和笙鈞天廣
樂一齊鳴祥雲捧月海底來珠樓貝闕咸爲開俄
銅壺催曉籌翠娥舞罷爭獻酬酒酣我起問歸路
仙指言弱水西頭應有渡別時解劔贈我壯行色
門不遠忽然寤寤寤來感此夢亦奇可惜此身還復
昔人亦有南柯夢黃梁炊未熟富貴升沉幾變動
悟世事無足爲幡然遂入仙人洞任汝逍遙天地

總是螟蠓在餅甕從今看破幾千百年亦瞬息夢取
覺覺耶夢富貴神仙俱戲弄眼前紛紛輕薄兒朱輪
華轂爭交馳仙人猶且不能遑胡不低頭一致思君
不見蘇秦六國誇金印霍氏一門登赤墀方張烈焰
即灰寒甚至族屬無纖遺何況闔雞走狗輩自矜豪
俠將何施我今夢覺發浩歌人方昏睡奈爾何

詞調

尉氏公館次元人水調歌頭

洛陽好歸路正值仲春天滿前游絲花柳隨傍過伊
川尉氏經過官舍偶見元人詞調信口和成篇孤坐
夜將闌明月起山顛悄無人相對語有誰憐因思夙
昔尚友欲並古諸賢今幸初心無負往事何須說起
直是下帷眠到處可行樂久矣悟真玄

附元人兀顏思忠招隱詞

白雲渺何許目斷楚江天省風大河南北跋跡幾山
川手線征衫塵暗鴈足帛書天濶恨入短長篇青鏡
曉慵看華髮早盈顛歎流光真逝水自堪憐明年屈
指半百勲業愧前賢霄漢驂鸞無夢桑梓歸耕有計
醉且付高眠寄謝鹿門老待我共談玄

方山薛先生全集卷五十七

詩

五言古

雜詩二首

憶昔有二士，慤勤結金蘭。自托松與栢，未矢凌歲寒。
詎謂殊所遇，貴賤旋改觀。一爲乘車客，致身青雲端。
一爲戴笠夫，抱膝泥中蟠。邂逅兩相值，意氣殊未安。
貴客恐憑藉，賤夫甘孤單。束髮把袂約，白首按劍看。
人情自如此，諒哉結交難。

西鄰有二女，皎皎瑤華姿。日夕理刺繡，姊妹相追隨。

方山集卷五十七

一

張本

有時各對鏡，交爲修娥眉。耻學趙飛燕，不作邯鄲姬。
忽乘桃夭會，媒氏問所宜。夫婿年尚穉，少女先結縈。
翟芾映衢路，爭看九十儀。長女悵岑寂，惻惻轉成悲。
羞澁不能語，空閨垂涕洟。匪急燕婉好，祇恐嫁失時。
少女忽遭譴，歸來長歎咨。采蠶瘡鬱結，因賦谷風詩。
願姊慎所適，十年勿較遲。

選貢北上途中雜詠二十四首

青陽麗淑景，羣芳競開發。聯翩遊冶郎，相攜出華園。
我獨栖傳郵，卧病懶櫛髮。開鏡臨軒窗，峻嶒見瘦骨。
著書千萬言，擬欲獻丹闕。薄命不逢時，登徒屢遭蹶。

惻惻嗟卞和抱玉屢經刖欲行忽復暮悲傷增恍惚
二
一日九迴腸悠悠對孤月匪敢慕繁華景光易銷歇

相知不用蚤相見不用頻同舟遇風波胡越皆相親
氣勢無可倚故舊不如新自昔稱友道恒羨雷與陳
當時未深信謂世更有人乃今稍涉歷二子誠出倫
巨源當啓事叔夜甘賤貧伐木久已廢睽焉傷我神

三

皎皎長河明未夜輒忘寐中心有所思忽忽未能寘
把酒聊自斟獨飲不成醉人世多賢豪我生本不類

方集卷五七

二

陳宣

六籍空沉酣詎免章句累嗟嗟班仲叔傭書以供食
惜哉楊子雲投閣竟何事藜藿聊自充衡門謝結駟
寧與燕雀翔齋此鴻鵠志莫做繽紛徒繁華有憔悴

四

平生耽寂寞唯愛山中居山靜日偏永草色侵庭除
獨坐無知音默默意自如通玄會衆妙觀物知盈虛
形骸果何物仁義真遠廬流浪大化內無終亦無初
胡爲苦不足日夕空歛歔

五

今夕竟何夕仰見參與辰駕言遠行邁奄忽離所親

悠悠望燕趙，燕趙多風塵。握瑜被短褐，馳逐良苦辛。
豈無孤矢志，茲情難重陳。

六

山中住已久，蘿桂殊有情。春來衆芳發，好鳥相和鳴。
二三同心友，頻過無送迎。架上書不束，尊中酒常盈。
鼓琴復鼓瑟，清風吹我纓。如何涉長道，祇今懷抱縈。

七

三十奄鄉土，茲將客他方。可憐抱壤策，屢蹶宏詞場。
聊膺三舍選，壯志猶未揚。學臺惜我屈，朋友嗤我狂。
我心總自適，征途逞慨慷。過沛歌大風，涉魯賦靈光。

友以集卷五七

三

陳宣

振衣一聳目，泰岱鬱青蒼。吾道本自足，奚必悲行藏。

八

世業值中落，兄弟俱自營。我忝仲子行，三十名未成。
季弟蚤夭歿，宿草覆孤坐。追悼末靡及，傷心淚縱橫。
彷徨陸機泣，楚惻潘岳情。况復在原野，愁聽脊令鳴。
萬類俱相倚，何獨偏笄笄。

九

原野風蕭蕭，黃沙蔽車軌。薄暮多黑雲，道旁見白骨。
試問行路人，云是從征卒。前年戊朔方，去年備回紇。
離家一萬里，勞苦誰爲恤。况復經三年，衣糧俱罄竭。

饑寒莫能支歸途就茲歿聞之益慘悽荒郊暈明月

十

相知方苦遲相別一何早分袂忽經時愁生江上草
望之不可見川塗莽榛濟今夕復何夕鬱鬱牽懷抱
我生本孤寒朴拙寡所歡種救僅充食荷衣常不完
感君慇懃意謂我世所難傾蓋要白首持贈青琅玕

十一

驅車涉層丘望望生離愁親庭漸以遠縹緲孤雲流
方春辭膝下倏忽逢初夏念子遠行游庶幾保夙夜
茲辰在何方想像出高唐高唐多善歌歌聲偏激昂

茗齋卷五七

四

陳宣

願子慎服食勿因增感傷

十二

明月照客房徘徊更延佇言念閨中人編衣方獨處
晨興奉菽水井臼忘辛楚黃昏宜即安孤燈照機杼
嗟我良人行乃今在何許出門恰春寒奄忽交徂暑
應脫黑貂裘無由寄白苧願言早旋歸庶免爲羈旅

十三

知音不易逢相逢不易容掖庭忌國色都市厭厚封
矧茲才藝徒各期世所宗千金享敝帚疇肯相服從
孟堅嗤武仲唯恐追吾蹤陳思排孔璋俾之避其鋒

金玉有定價驥騮各奮庸嗟爾同袍士胡不恢心胸

十四

進前每不御聞聲多相思貴耳偏賤目厭常必好奇
人情大率爾新知易故知言念同門友意氣蚤相期
脩文論道術窮極窺黃羲一朝策高足揚眉居九達
殊方多俊逸結納恐後時我行當自遜未必棄如遺

十五

微軀苦塵寰遐思奮六翮凌風翔紫霄直排太微掖
羣仙啓瓊扉神皇授玉冊侑以丹霞衣兼之白雲舄
漱以沆瀣漿加之零露液吹笙引涼颺晞髮倚青壁

方集卷五七

五

陳宣

夷猶任所之長與俗人隔

十六

長途麗白日垂楊映青樓上有彈箏女歌聲入雲流
睠茲遠游客朱簾半上鈎纖手持芍藥臨窗若欲投
顧盼目不成舉扇旋掩羞忽爾自歎息託身非良謀
諒哉各有心沒溺將誰尤

十七

玉匣有二劍沉埋幾春秋神物終難泯寒光射斗牛
可以麾三軍可以匡諸侯得之不能用分飛吳楚流

十八

壯士久從征軍中多苦情寒衣猶未寄風雪暗長城
昨緩防秋令權辭都護營創傷成痼疾歸路不能行
祇願還鄉歿不望還鄉生迢迢萬里道誰恤此孤零
旅懷聞感愴何用戀微名

十九

北風吹白楊瞻彼比邨上塚墓莽荆榛莫識何時塋
荒涼土一丘賢愚總流浪今古何茫茫乾坤真浩蕩
達士貴大觀人生皆幻妄

二十

驅馬適長安方知行路難空村煙火少日晏始朝餐
往來多俠客相逢按劍看離家未踰月歸思逐江干

二十一

孟夏雨新霽晨起日正昕都城迢在望鬱鬱采霞文
車馬競前進聊喜息塵氛倏忽東風急山川俱出雲
陰晴猶未定側聽雷聲殷停驂酒旗市黯慘落日曛
行止諒有數遲速安足云

二十二

農人墾蕪穢種菽趣新晴觸我山中興復動灌園情
首耜經春長葵蒿方向榮小池通曲徑抱甕時自行
卽當返初服悠悠度此生

二十三

北地恒苦寒，頃值溫風時。豈無棄繻心，戀茲一敝帷。
自知難遇合，聊爾漫相隨。計日數歸程，新秋以爲期。
嗟彼叩角歌，銜鬻將何爲。

二十四

乳燕逐羣飛，翩翩繞征衣。游子感物候，中心切瞻依。
不辭行役苦，但恨音信稀。矧茲平生志，淪落與時違。
本無王事殷，四牡空駢駢。

邯鄲才人嫁爲廝養卒婦

妾傍叢臺住，顏色耀里閭。十三調琴瑟，十四學詩書。

名山集卷五七

七

陳玄

召入長門裏，珮玉鳴瓊瑤。輕盈對秋月，娥眉勝蟾蜍。
不見君王面，含情歸敝廬。刈芻邯鄲道，脉脉空躊躇。

關山月

重關一百二，迢遞雪山高。萬里秋空月，寒光照鐵袍。
匈奴猶未滅，晝夜佩弓刀。苦憶家鄉遠，寧能知我勞。
征衣何日寄，轉戰出臨洮。對此孤栖影，忍聽風怒號。

贈別歐陽曰大

與子欣相覲，修爾言別離。長江隔左右，把袂訂心期。
大道鬱荒楚，平原蒙蒺藜。願言各努力，遲迴欲待誰。
長安多少年，錯落鳴新辭。弓裘照杯酒，日暮空嗟咨。

我本龔豪士，慚愧學同師。河梁望彌遠，撫心悲路岐。
送胡刑部致仕

風帆下長淮，楊花白如霰。康侯返故廬，解組折夕宴。
亭亭巖下松，琅琅青竹箭。柴桑賦歸來，感茲飛鳥倦。
東山有高卧，委適良自便。人生百年會，光華疾於電。
俯仰酬平生，林臯足游衍。

前川四景

杜若芳洲

淺淺河中洲，青青洲畔若。敷芬鬱陸離，迴波浮綽約。
逐陰沙鳥飛，滄馥鱗魚躍。有美者誰子，輕舟泛瀨瀾。

李全集卷五七

八

東晉

逞茲春色妍，玩之聊自樂。陋彼溱與洧，相贈空芍藥。

垂楊晚泊

長流拖素練，柔條懸碧絲。返照徹深淨，光景明漣漪。
停檣維錦纜，忽爾涼風吹。人皆苦炎熱，葭葦寒離離。
清陰落杯酒，漁歌起前涯。謾弄桓伊笛，聊寄淵明居。

松臯引鶴

玄鶴鼓脩翰，乘風逝寥廓。秋原霜露凄，草木盡零落。
迴翔載轉旋，欲止靡所着。亭亭川上松，青青更沃若。
抗跡凌高虛，長鳴振林薄。對此懷昔人，邈矣漢陽國。

松濤響翠

長風起天末逢逢行太空觸物盡披靡喬松鬱青蔥
感之自成聲銀漢傾鴻濛嚴寒萬籟滅唯此鳴窮冬
所以賢達人屬耳宮商通仞怛莫我知誰爲空谷笱

黑馬篇

余觀政工曹乘黑馬出入感而賦此

朝騎黑馬出暮騎黑馬入盤旋都市紛颯沓黃塵襲
色謝雲錦文俯首就維繫摧秣恒不辰毛踈骨逾立
况復霖潦時泥塗恣沾濕昨出經天閑遲廻轉羞澁
驅策弗欲前愧茲織離集金鑠揚玉鑿聯翩自和泐
種類誇余吾渥注任呼吸一從貳師歸銀黃授上級

風電倏揮霍追隨不知急長驅斬骨都奮影征馬邑
再上祁連山峻嶒逞旋習黑馬爾何爲長嘶欲於悒

擬古十九首

人生百年內聚少離偏多茲辰與君別我懷當如何
芳華易銷歇歡會恒蹉跎秋燕辭故巢春鴻度交河
望望不可見悠悠難自遣寒氣忽蕭森嚴風下霜霰
征人涉長道中心徒眷戀願言保堅貞勿因時序變

二

天天萋楚枝霏霏楊白花翩翩行路人紛紛逐輕車
揚揚日誇詡汎汎落誰家昔爲三輔豪今爲五陵客

五陵皆貴游施與輕金帛

三

南山何巍巍北海何浩浩光陰瞬息間人生若流潦
烹鮮日舉觴爲歡苦不早駕言適都市馳逐紅塵裏
比次飾華闕輝煌多戚里結交卿與相章服紛朱紫
遨遊逞意態日晏歌鐘起永夜復達旦咨嗟者誰子

四

邂逅集儔侶良辰喜合併慙勤具旨酒鼓瑟復吹笙
酒酣拔劔舞慷慨有餘情雕梁語乳燕灌木鳴春鶯
物各有所託人須樂此生華要未可得自適疇與爭

五
五

十

胡爲甘局促役役堯其貞

五

城闕何崔嵬掩映青冥端樓櫓簇飛甍天陰風色寒
忽聞鐘鼓鳴長夜何漫漫夜長何時旦叩角聲悲酸
飯牛亦自足營營奚所干不忍負宿抱聊茲試一彈
聞者忽相感誰謂知音難薦引不究用撫膺空長歎

六

上山採蕨薇幽谷多蘭蕙采采盈襟裾將以貽君子
君子天一方道遠室徒邈瞻望結遐思悠悠靡所止

七

月華照清夜，螻蛄鳴砌石。虛柳昏正中，秋光漸蕭索。
風淒草樹枯，時序何促迫。烏鵲向南飛，鴻鴈傷離陌。
言念二三友，聯裾入左掖。同升不同遇，中外遂睽隔。
新知且易乖，久要能不易。旅懷多感愴，究竟皆塵迹。

八

翩翩雙鳳皇，文采耀羽翰。和鳴向旭日，雄雌協所歡。
中道忽分散，衢路何漫漫。雲霓杳無際，日夕成孤單。
離合不足異，會合應艱難。傷彼美孟姬，灼灼春花姿。
待得旋歸日，容顏非昔時。

九

方山余集卷五十七

十一

陳宣

空谷有幽蘭，寂寂揚清芬。不忍自怡悅，將以持贈君。
君行萬里外，望望隔青雲。含情未得達，佇想空慙勤。

十

東方升啓明，西方下長庚。南方箕欲沒，北方斗將橫。
衆星散以落，林梢烏鴟鳴。披衣起獨坐，惻惻萬感并。
美人在咫尺，幽懷未能傾。

十一

策馬出街衢，將歷九達道。絡絲整銜勒，馳驅還自保。
灼灼園中花，青青原上草。顏色媚春陽，誰不羨美好。
忽焉霜露零，凋枯就傾倒。人生莫虛度，建立須應早。

十二

層城何巍峩垣墉鬱相望秋風鳴樹間落葉旋飄蕩
物候易推遷年光若流浪小宛惜征邁天東嗟饋餉
適情且逍遙何爲苦相向長安多美人朱顏方少壯
明珠飾翠翹高髻宮粧樣羅袖拂朱絲當窗發清唱
聲響遏流雲詞調多悲愴願爲雙黃鵠飛集君池上

十三

出游東郭門遙望江南路楊花滿溪水曾送故人渡
岐路不忍分旋車已薄暮蕭蕭風色寒曠野見丘墓
故人去云遠獨行屢回顧生離與死別茲情良共苦
人生幻化中乾坤盡流寓誰能長壽考誰能長會晤
仙人不可求飲酒聊自娛

十四

往者不可作來者猶可爲側視北邙山荒塚何纍纍
牧人尋亡羊耕夫事鋤犁前人即後人能勿生歎咨
何由歸故園度日且游嬉

十五

人生本無幾憂思常苦多三萬六千日百年亦易過
何不日歡會何不日笑歌積金至萬斛究竟還銷磨
苟促空自累奈此光陰何

歲宴偏蕭索鳴鴻聲正悲空庭下霜霰良人在天涯
征衣苦單薄欲寄將貽誰角枕與錦衾獨處空懷思
願言早旋歸日夕慰我私對鏡理膏沐常恐顏色衰
瞻望靡所及愁心唯自知服馬將何適駕車將何之
山川悵悠遠庶免渴與饑徘徊增感傷灑淚沾裳帷

十七

孟秋陰氣生涼風自空谷夜永百感生繁星正聯屬
攬衣起獨坐掀帷方秉燭客從遠方來遺我書一束
誨我當慨慷慰我無局促置前再三看詞旨多委曲

我心良不移感君更忠告

十八

客從遠方來遺我綠綺琴相思不相見故人良有心
金徽繫玉軫朱絃白雪吟一彈再三歎萬里感知音
秉情不能語默默故難任

十九

東方明月出清光照軒窗對之有餘懷起坐披衣裳
致身雖有托初志尚渺茫誰可與語此中心但自藏
佳人未能晤何以慰離腸

法駕幸回中旂常蔽遠空前驅紛百辟後騎擁三公
帳殿颺衝霧轅門氣吐虹詞臣傳羽檄武士挽朔弓
雪色容刀白陽光韎韐紅匈奴應遠遁萬乘自臨戎

芳樹

庭中有芳樹結根傍幽軒對此終日夕扶疎應可也
大本不擁腫小枝不曲拳幸不逢匠石庶以全天年

巫山高

巫山高淮水深山高多限隔水深易浮沉征人涉遠
道懷鄉無信音望望來時路悠悠傷心何可罷行
役一鼓雍門琴

折楊柳

年年楊柳綠遊冶逐芳羣今日關河道那堪折贈君

相逢行

人貴相知心不貴相逢早心苟不相知相逢祇煩惱
夷吾遇叔牙歷歷傾懷抱元伯夢巨卿終身敦宿好
末世利文興奔趨忘古道對面隔元疑把臂成蠻獠
所以耿介士獨立甘枯槁寧與麋羊優游以終老

雜體詩二十首

余性拙寡諧不便酬應觀政退食杜門獨

居翻閱經籍因及詞人隨意擬作聊以末

日非欲如江文通之徧體諸家也

蘇子卿別李陵

武

孤踪淹異域與子獨相聞諒非水草性寧堪羊馬羣
重念同袍士夙昔結慇懃我當持使節子復將三軍
本期各努力慷慨立功勳風波駭非意淪落逐胡氛
奄忽歲云易俛仰唯自殷今夕復何夕將歸謁漢君
憐子苦獨沒相看不忍分淚噎莫能語徘徊沙塞雲

班婕妤詠扇

團扇新裁就皎如初月見素麗宛織羅光瑩凜霜霰
清風向君懷煩暑自滌湔竊愁金氣應棄置不復眷

名合集卷五七

五

陳宣

上畫雙黃鸝翻作孤飛燕

魏文帝遊宴

丕子桓

良辰屬佳麗游觀聊適情銅雀鬱勝槩華池涵太清
卉木正萋楚禽鳥相和鳴芳筵登異品高會集羣英
清歌協妙舞鼓瑟間吹笙擬騷早楚調摛文薄漢京
望遠嫌有際歡極悟無生曜靈忽西逝皓魄從東盈
因茲感聚散人世徒營營

曹子建贈友

陳思王桢

輕雲蔽白日颯爾涼風吹庭柯忽蕭瑟感之易成悲
言念二三子結交在平時歡愛非浪與欲以同安危

青蠅止榛棘讒巧亂妍媸恩情中道絕自顧空歎咨
傾蓋已如故白頭翻可疑今展集同志高詛胥夾持
彈冠信不改挂劔酬心期申章敦宿好毋詠谷風詩

劉公幹感懷

文學楫

幽幽谷中蘭芬芬散清馥清馥何襲人采之不盈掬
芳潔凝蘋藻氣味凌首霜獻作君王佩願言倚蒲藪
過承優渥恩敢不自薰沐文學忝侍從馳翰慚金屋
月出照園池翺翔陪輦轂微臣長歎息何以綏茲福

王仲宣懷德

侍中祭

世路昔多阻馳驅多殷憂荒塗歷異域絲藐趨遐陬

方山集卷五十一

十六

何錦

荆楚復漳湄江漢晨夕流山川浩無極逝者不可留
願言慎所主忽忽將焉投寒露滿衣草淒風感衾裯
少壯辭故國宛轉生離愁幸復際昇平荷蒙賢主收
佩玉服朱紫歡娛結綢繆幕侍河曲宴朝從鄴城遊
自非竭忠蓋誰當享斯休所以古哲士死爲知己酬

嵇叔夜言志

中散鹿

余少失瞻恃受愛不知勞古訓未有獲氣志多自高
鷲鳥恒不羣凌空振羽毛苦厭鷄雛侶柰此鳴聲嘈
翻飛謝雲漢歛翮潛蓬蒿虞羅徧寰宇頑踈庶能逃
褊心任所向齋志且遊遨散髮卧巖岫采薇入林臯

養素堅守樸莊老真人豪抗心希往哲聲迹俱已韜
得意旋忘言太音唯自操胡爲與世營膏火空煎熬
阮嗣宗詠懷 步兵籍

憶昔方青歲志敦詩書匪直甘近代將窺姚姒居
出門覽廣遠游俠紛趨超多從狹邪徑歛曲登玉除
意氣何揚揚揮霍乘軒車榮名若朝露代謝還丘墟
乃悟安期子飄翩任所如

張茂先離情

司空華

遨遊適郊野獨行旋復止曲徑轉逶迤叢生多蘭蕙
佳人天一方采之亦徒爾皎然春月明穆如清風起

名集卷五

十七

苑

我懷良感傷中夜空瞻企

潘安仁內顧

黃門岳

孤征有所思陟丘悵離陌雨絕麥苗青春暮楊花白
郊野鬱葱龍沼泚含光澤去家雪載塗條忽時序易
迢迢道路長望望山川隔彼姝室中子寢興自晨夕
想多饑渴懷時時念行役言歸未有期茲情曷能釋
登城一舒寫目斷雲千尺

陸士衡赴洛

平原機

嗟身嬰世網登車陟修途悵惻辭室室離腸難自剗
廣川多良友飲餞咸長吁攜手終當分願言留斯須

中夜不遑寐撫枕空泚洩徘徊百憂至嗟哉日衰遲
宣尼故有窮孤竹本長饑策勲負初志往者不可追
寒風吹落英繁霜集枯枝軒車靡所逞素絲旋成緇
時命不我與寸心還自持

盧子諒贈劉琨

侍郎謙

障川非一葦支廈非一木允資弘濟才更須梁棟畜
薦蘿施松柏乃與濫羣淑本以姻婭情休戚同骨肉
伊昔邁嘉惠今茲無窮感悠悠思古人興言愿出宿
伊陟求商祚山甫綿周祿狐偃與趙衰亡人因以復
猥陋愧遐蹤子寔當樞軸謬承卞和盼燕石非荆璞
眷顧忝樂良駕馬方躡駮羈旅懷舊京眺望傷心目
何以塞民望慰茲友朋屬

郭景純遊仙

弘農璞

石渠聯虎觀英俊多翱翔自謂神仙侶玉珮交鏗鏘
孰與山谷士身穿薜荔裳卧起煙霞境呼吸瓊玉漿
放情薄寥廓高蹈凌混茫丹經懸肘後終日自徜徉
聊吹子晉笙漫舉安期觴蟬蛸徒楚羽舜華空芬芳

陶淵明叅軍

徵君潛

素性厭塵鞅琴書足自娛荷衣取蔽體炊黍刈生芻
日夕任俛仰稚子憑歡呼一行作吏事園田遠荒蕪

盤旋曲阿側驅策陟泥塗遙千里去眇眇孤形徂
中宵不遑寐歸思良鬱紆倦嬰軒冕榮甘爲山澤癯
身逐浮雲去心與流水俱終當返故里聊以全吾軀

謝靈運齋中讀書 臨川

京華倦游觀石門聊偃息寂寞子雲廬棄捐左史職
巖崖朝日瞰池塘春草色屏氛自養疴時復戲鉛墨
流觀隨古今閒適憑寢食濯泉幽澗中披雲羣峯側
詠歌擊壤謔夢寐羲黃域不願縮 五章 事稼嗇
庶以託此生欽懷聖賢則

顏延之夏夜

特進延年

齊集卷五

二十一

何顛

屏居避炎暑羽扇驅游塵
星正當戶昏月暈車輪
雲開漸流蘇仰見銀河津
薰風薄庭木餘吹被綸巾
鳴蟬聲嘒嘒螽斯羽
詵詵荳蔻芬已委秋蟲動荆榛
旋覺物候變隱衷誰與陳

鮑明遠玩月

參軍照

曉曉懸城闕清光玉鉤橫
漸漸薄帷幌斜暉團扇傾
團扇微風發玉鉤澄露瑩
每當弦望時憐君有虧盈
盈則復生魄虧則復生明
三五二八時相對應多情
山川苦行役朝市厭逢迎
公餘且休沐私居獨廻縈
悽絕歌楚調激烈彈秦箏
舉杯自停酌忽忽想遺征

佳人在千里何時來合并

別諸同考

登山採良玉入海探明珠山石恒礪碑海水多沫濡
高深不可極昕夕相躊躇白虹貫明月無乃委路衢
吾非卞與象賴子開蒙盱胡爲忽分散各在天一隅
蹊徑前險仄勿得輕馳驅况復霜露降服食慎所須
蟋蟀詠勤苦山樞歌曳婁卑官足幽隱迤遲毋嗟吁

飲馬長城窟行

飲馬長城窟胡天八月霜陰風吹絕徼將士鐵衣裳
少小從軍旅鳴弦誇貫楊十年三出戰生縛右賢王

歸獻漢天子千門開未央捷書失名姓元功誰與將
邊關事芻牧卑棲空自傷昨望盧龍月迢迢沙塞黃
但願狼烽息青海波不揚呼韓欵塞入契丹歸舊疆
天閒卧龍種屯田餘稻梁投鞭日偃仰孤績永相忘

送尹汝光戶部

滔滔江水流皓皓江月白明星爛以黃睽茲玉墀客
始出任苦辛今歸矢蕭索齊牧藐遺金宋人厭懷璧
所以君子心居貞介于石嗟余羈旅人越歲同昕夕
若懷我所欽我懷君每惜論道相慨慷觀化忘形迹
把袂臨路歧豈爲愁離陌願各常厥居天涯共安宅

送高生美丞還南豐

送子涉長道驅車踐高丘晨曦耀若本輕陰蕩以浮
元化屬真宰風霾旋自收河山任融結寥廓憑夷猶
霜飛水漸涸木落驚深秋蕭條歲將改蒙茸貂鼠裘
去去往何所涼月明中憫念予在淪落千里相爲謀
昔汎章江渡今觀湓浦流百川浩歸海混混無時休
此心妙真悟反身復何求少年多俠客離索勿輕憂

贈汪生叔明

憶子來潯陽陽春二三月念子歸新安歲暮衝飈發
江頭理維舟戒行在奄忽洞庭揚楚波彭蠡胥出沒

浩蕩豁襟眸凌虛竦毛骨黃鶴千里飛廻翔弗能歇
豈不憐羽翰所志在溟渤太澤固無涯未忍淪彭蠡
嗟哉君子心對鏡傷黑髮黑髮有白時青暘莫虛越

有美者誰子

有美者誰子結廬山之陽雲霞日縹緲草樹生夏涼
巖扉常不閉綠澗自尚羊我欲往從之誰謂道阻長
願爲比翼鳥與之共翱翔

有美者誰子鼓楫河中流臨波弄清影垂綸無釣鉤
冉冉芙蓉開芬芳足夷猶我欲往從之誰謂道阻脩
願爲比目魚與之共泳游

感遇十首

燥髮業文學博習多窮奇散漫罔歸束所向恒支離
挾茲青瑒侶獻策于明時三十未得意抱影守蓬茨
一朝偶遭遇蹇拙衆所嗤進寸寧退尺忍茲迷路岐

二

農人居水鄉牧牛藉耕力偶爾獲麋鹿角觫始生息
從來不入山與之未相識殷勤事芻秣謂將蕪黍稷
一朝服耒耜馳驅偶如式牽以蹊人田不從語以臆
棄指衢路旁大羊競相逼願言歸豐林千年蒼白色

三

友全集卷五七

三三

陳宣

雄雞斷其尾香麝噓其臍豈不受膚理思之良慘慙
出入林莽間不向要路棲于人貌無害人亦不汝擠
奈汝材足用有類象與犀所以古哲人姓字多沉迷

四

微軀苦奔役悄然思故居靜悟還丹訣閒看種樹書
草木足充腹何必烹池魚芒屨足徒步何必巾柴車
稚子散學館鄰翁息菑畬門前高柳下相對恒于于

五

女蘿寄松栢松栢有時摧蒼蠅附良驥驥足還自痿
知已且莫恃恃之恐亦移長沙置前席淮陽恒避帷

嗟哉斯二人君心豈不知何况恩私能免申路遺

六

腐草飛作螢貞女變爲石螢尚乘時熠石已任拋擲
嗟乎不如草造物誠難譯天寒霜霰零候蟲旋滅迹
貞精終弗渝光芒耀文碧周雅哀斯人况復爲虺蜴

七

涼風吹我襟明月照我帷鬱結隨風散幽隱托月知
手書尺素箋將以遺所思所思在空谷矯矯松栢姿
勁節凌霜雪清芬耀華滋寄言各努力未矢歲寒期

八

方集卷七

三四

抱病日偃卧非隱亦非仕孤踪萬感集究竟將何事
有客自遠方遺我數行字覽之復何言願結同心誼
相攜歸去來人生真若寄鮮鮮木槿花敷榮寔堪媚
楚楚蜉蝣羽光華儼如漬豈不亦自憐朝生夕還悴
古來逞豪華歷歷皆可記何如草頭露思之垂涕泗

九

鴻雛適萬里竹實乃其食羣鳶擁腐鼠惟恐爲所得
大鵬起南溟一鼓垂天翼相逢希有鳥遂爾自歛飭
嗟鳶苦不知羨茲鵬有識物情良不齊令人三歎息

十

平生慕真隱淪跡在塵寰徒御日往復此心聊自閒
邂逅洞虛子賣藥城濠間綸巾白羽扇鶴骨夫容顏
問之何從來云自終南山乃今住廬嶽深谷澗水灣
門有長松樹煙霞常閉關終歲不火食遑知生事艱
昨出試游行疲癯聯闈闕崇朝不謀夕人命成草菅
采芝復采木我當從茲還

10231

方巖集卷五十七

三五

UNIVERSITY OF TORONTO LIBRARY

